



陝西  
浙江  
江西

博  
物  
策  
會

卷九之十一



新編博物策會卷之九

陝西省

西安府人物


劉敬論關中之地曰左有殺函右有隴蜀賈誼論關中之勝曰踐華爲城因河爲池蓋其地前臨沙苑後枕許岡控桃林之塞阻藍田之關誠蘇秦所謂天府之國東方朔所謂陸海之地也考其沿革卽周之王畿漢之京兆宋之永興元之安西也人生其間尚氣槩先勇力然將相篤生項背相望衣冠文物何莫非先王之遺風哉請具陳之黃帝之時有倉頡觀鳥跡而制文字造書契以代結繩周之時壤駟赤長於詩書秦祖篤於守道皆

陝陽具卷九

嬰物

乙一

孔門之弟子也秦有王翦有平楚之功與白起齊名漢有魏尚有守雲中之功如李牧復出蘇武牧羊饜雪其視李陵輩不啻糞土矣朱雲借劍攀檻其觀谷永輩不啻狐鼠矣張安世以父任爲卽廉謹畏慎而官至富平侯其子七葉皆爲侍中克昌厥後矣尹翁歸以高第守扶風廉平守正而治爲三輔最其子三人皆爲郡守能述其事矣常玄成張山拊皆論於石渠閣者也魯恭李育皆講於白虎觀者也朱博蕭育爲友而長安有蕭朱結綬之歌然博之爲刺史決遣如神尤有大才也廉范與慶鴻爲友而時人有管鮑慶廉之號然范之守雲中匈奴遠避尤有大畧也王莽之亂蔣詡不出戶王丹不就徵中屠劉避地河西孔奮避地姑咸如鳳凰翔千仞



之上高節美槩人不得而污之矣光武之興竇融從  
隗囂萬倫從平河北張純安集荆揚景丹從討王郎馬  
援從征交趾如驕騮逸於千里之外豐功偉績人不得  
而班之矣陳遵之投轄篤賓客之義而翟公之署門尤  
爲美雲敞之收尸盡師生之情而擊恂之擇婿尤爲善  
魏相諫比伐得宰相之體王嘉奏父任知閭閻之瘼馮  
野王通詩馮遂通易馮立通春秋以兄弟而若此馮奉  
世瞑目於地下矣耿弇平銅馬耿國絕單于耿恭敗匈  
奴耿秉擊莎車以子孫而若此耿况含笑於九泉矣湯  
政善說梁丘之易敎授常數百人范升可謂有傳矣宋  
登少傳歐陽之書敎授數千人宋由可謂有子矣馬融  
博通經籍著述甚富雖淹滯東觀不以爲辱賈逵兼習

西人物

西人物

二

經典論難甚正雖內備帷幄不以爲榮班彪著賦論九  
篇班固著漢書一部父子之學何特出耶至於固之弟  
超成投筆之功將畧有過人者楊震以清白楊秉楊賜  
以剛正父子之行何非常耶至於龐之子脩悟曹娥之  
碑明睿有絕人者郭伋爲漁陽守而道不捨遺第五倫  
爲督錢掾而市無阿枉第五訪開倉賑飢劉寬蒲鞭示  
辱皆入循吏之傳者也韓康賣藥辭幣梁鴻耕山自娛  
皆登高士之錄者也馮衍爲曲陽令陳八事以爲規至  
於顯志一賦肆而昌傅毅爲蘭臺令作七激以自賦至  
於連珠二十篇宏而麗宋弘絕胡陽之婚宅心何忠厚  
也杜篤作吳漢之誅爲文何清婉也杜林議郊祀之禮  
悉權於義而不嫌其簡趙岐著軻書之序皆得其實而

不厭其詳蘇章劾故人之奸有不顧私恩之公也蘇不  
韋悃仇家之塚有不共戴天之情也樂恢雖爲竇憲所  
殺然諫北征之書欲爲國家垂不拔之基竇武雖爲王  
甫所殺然誅宦官之謀欲爲朝廷立無疆之計秦彭以  
禮訓人彷彿韓延壽之風張湛正色立朝庶幾汲長孺  
之比三國之時杜畿守河東治爲天下最張旣令新豐  
治爲三輔最馬超雖不克正而輔昭烈之出亦效十勞  
蘇則雖不克終而悲漢室之亡亦露微情西晉之時杜  
預博學而撰左傳集解犇虞備學而撰昭穆十卷杜錫  
善諫諍雖遭甑中之針而進諫益力王育少孤貧雖牧  
里中之羊而好學益堅南北朝之時吉翰事宋武帝而  
清謹吉士瞻事梁武帝而清約寇雋爲刺史而立庠序  
侯植爲刺史而平江陵常佐吉玠皆以孝聞然玠以十  
五歲救父其孝義出於真情尤人所難康絢馬樞皆以  
學鳴然樞以六歲通經其明慧出於天性尤世所罕常  
正常放父子也而資性篤實楊播楊椿楊津兄弟也而  
家世純厚常孝寬之守玉壁百發百中智勇絕倫蘇綽  
之佐宇文有囚有革規模合古隋之時常沈擊破突厥劉  
方討平交州史萬歲則破溪洞者也楊武通則討羗  
夷者也楊伯醜著易辭異先儒之旨而以義理自悟蘇  
威撰定樂志拂時人之說而以鍾律自任楊善會獨能  
抗賊常世康独能薦賢唐之時劉弘基殷開山皆有攻  
城畧地之功劉文靜杜如晦皆有窺敵制勝之策李大  
亮奏涼州之進鷹蘇世長諫涇陽之獵兔侯君集雖不

李嗣業之守城蘇源明之卻僞署韓泐之走江南郭子儀之平河北昂昂乎列災之真金也韓休守正而玄宗有吾瘠天下肥之說路嗣恭課最而玄宗有可嗣漢魯恭之稱杜甫之詩涵渾汪洋乃詩人之聖賢李泌之謀光明正大乃中興之豪傑有李勉而草創之朝廷為之尊有楊綰而侈靡之風俗為之革王忠嗣控邊疆百里張仁愿築受降三城以蘇曠為父而有子武豪奕出類為房瑄張說齊名以嚴挺之為父而有子武豪奕出類為房瑄推轂今孤彰倫貢獻之禮乃藩臣之恭順杜黃裳誅劉闢之寇有宰相之識度常見素在吏部銓敘平允韓滉為轉運使國計盈虛常察立齊校而閩人由之知學

陞第卷九

西史人物

四一

李程中狀元而士流爲之推重韋夏卿韋正卿皆無忝  
於賢良之舉杜牧杜凱皆無負乎進士之名徐申討李  
希烈而奉天之幸馮河清發甲兵輸行在又何忠也賈  
隱朴擊朱泚而梁州之幸韋武委妻子奔行在又何誠  
也白居易之作詩詞冠絕古今而其弟白敏中亦有可  
取者楊於陵之限丁制杜絕奸人而其子嗣復亦可稱者  
柳公綽柳公權兄弟也而在朝咸有所益令狐楚令狐  
綯父子也而居官咸著厥聲楊收號神童而曰發曰嚴  
曰鉅曰鏘曰涉曰汪或爲學士或爲尚書文憲聚於一  
門如此也柳仲郢號爲御史而曰璞曰珪曰璧曰珣不  
奏祥瑞不度浮屠家法傳於三世如此也韋貫之嚴身  
律下而子澳尹京兆豪右斂跡孫溫在翰林文學發身

至於其家之女子能續曹大家女訓何文物彬彬哉趙  
存約遇賊被害而長子騰廬書十年不應徵召次子隱  
生子三人皆擢科第至於其家之奴客而能拒朱泚攻  
賊何人才藹藹哉屈突通不顧其子而汗馬之勞屢著  
於開創之曰韋處厚韋呈韋直每而犯顏之諫恒切於多  
事之秋唐臨爲萬泉丞縱囚來還育之以仁也嚴郢爲  
京兆尹疾惡使畏正之以義也楊弘禮居司農楊弘武  
居西臺兄弟皆以稱職聞李道廣爲平章李元  
紇爲中書父子皆以清  
節著令狐德棻秘書有聲而其孫恒撰實錄稟掇詔策  
亦有功於史官杜希望刺史有聲而其子佑撰次通典  
搜羅載籍大有功於來學孫思邈隱太白山而辭國子  
博士之召田遊巖隱箕山而辭崇文館學士之徵韋況

隱王屋山雖授之諫議而不受吳筠隱嵩山雖召之問道而不留李朝隱罷斜封之官盧鈞涂驛馬之弊于休烈機鑒精敏而子孫一爲學士一爲侍郎一爲僕射咸有以揚休光常斌居喪哀毀而兄弟一爲尚書一爲將軍一爲少師咸有以垂令譽許孟容責李昱之償錢豪石大震常臯數王叔文之陰事元惡斯除寶易直則公潔而不引親黨杜審權則清重而不泄內言常叔夏通禮樂而朝廷禮制皆與討論于邵善屬文而朝廷制誥皆其脩撰常奏諫作金仙等觀直則直矣而祖叔諧與兄季武弟叔謙三人同時爲郎中何榮如之常述撰武德以來國史工則工矣而弟曰遠曰迪二人同時爲禮官何清如之五代之時李憚論貢舉不作詩賦張保續

累使藩國不辱君命宋之時陶穀雖失節而有詩名雷德驤雖挾私而有直聲崔翰征太原以忠勇許國韓丕知河陽以冲澹律身李若拙尚氣有才而子繹作五知先生傳楊克讓好學不倦而子希閔有三子進士第楊彌舉進士第一人有孤清之節寇準一青幘二十年有灑淵之功趙相上疏十篇鑿鑿乎福民之良劑劉長儒見囚百日磊磊乎守節之忠肝蔣偕屢平寇叛而知禦示邊之術者李周也崔暲更定錢法而論孤立之弊者張昇也侯可偶儻有氣節而韓琦薦之爲知縣蘇昞學力有進益而呂大忠薦之爲太常趙瞻論青苗而著史記抵牾張舜民論新法而號浮休居士呂大忠知秦州有治聲呂大防知華州有仁心至於呂大鈞學於二程而



著鄉約呂大臨學於伊川而著克己銘兄弟以才學名  
如此何文聲之盛也宋湜判梓州有器識宋沆爲轉運  
有廉介至於宋澣居長安以歌咏自娛宋壽知襄城以  
政績自效兄弟以才行聞如此何英雄之聚也李薦幼  
孤能奮蘇軾奇之曰今之秦觀也張確死節不屈欽宗  
悲之曰今之巡遠也游師雄破吐蕃外患爲之不擾李  
好義誅吳曦內寇爲之不熾逮至于元奉先陽魚作萬  
言書作還山集謂之先生何忝蕭道壽劉德一以執杖  
一以傭工謂之孝子何愧楊恭懿與許衡同召而請以  
經義論策試士賀仁傑從世祖南攻而得錦袍玉帶致  
政蕭對讀書三十年博通群籍侯均積學四十年淹貫  
百氏韓擇信道不惑世祖徵之不至同恕博學不淺仁

賢叢考

一 賢叢考

七

宗召之不起第五居仁

帥蕭對教授群生賀惟一師趙

孟頫總裁三史至於我

朝張統勤學勵行而右左布政之擢姚哲才學卓異而

有春坊贊善之用禮部尚書呂震戶部尚書李昶一有

博古之功一有轉運之功山東布政張賢山西布政喬

誠一有廉幹之德一有寬平之德李暹趙倫皆爲戶部

侍郎而刑部侍郎任勵皆有能聲也馬京康汝楫皆爲

刑部侍郎而兵部侍郎黑麟皆有政績也副都御史李

齊歷官守法僉都御史改信爲人廉謹高仕文從征交

趾力戰而死卒追封建平伯王真從靖內離轉鬪而死

卒追封金鄉侯曹端劉昂皆有聲於典藩之日雷亮蕭

伯劉皆有名於僉臬之時林嵩爲御史持法不撓張

爲可致恭勤不怠馬巨江學問老成官之翰林而不就  
張鵬德量寬厚官之藩臬而有光天順以後卓入異士  
相繼迭與吾未暇悉數之也

### 鳳翔府人物

岐周之地周之所興也鳳翔之名唐之所設也漢曰扶  
風魏曰岐陽此禹貢雍州之域天文井鬼之區其地隴  
關阻其西益門扼其南山如犬牙之險峻原如長蛇之  
鬻屈所謂五水之會三秦之一也民生其間雖喜射獵  
而多出名將且厚重質直無驕惰之習縉紳之士皆尚  
儒雅者多矣先王之遺風豈以久而泯哉請具陳之周  
有周公旦制禮作樂而制越裳之貢有召公奭夾輔王  
室而作旅獒之篇非子乃伯益之後有養馬之能而孝

賢卷元

吳人物

八

公使續嬴氏之祀三良乃子車氏之子爲當時之良而  
國人有黃鳥之賦若夫白起雖殘忍之人而亦智勇之  
將也漢之時郭欽以司直之官廉介不污以王莽之亂  
隱遁不出井丹五經皆通而有五經紛綸之號法真四  
徵不屈而有玄德先生之號蜀有法正進奇策於昭烈  
魏有魯芝進讜言於曹爽以南比朝言之魯褒魯秀皆  
爲宋文太守魯息達魯廣達皆爲梁陳刺史言行雖未  
有可紀而兄弟亦各有所長矣唐之時竇軌討平世充  
李高遷從下霍邑劉感不屈於薛仁果而其於殺身疾  
風知勁草矣段秀實不臣於朱泚而輕於捐軀歲寒知  
松栢矣王珪正色立朝屢著骨鯁之直和逢堯負屈諍  
關欲獻鹽梅之忠李淳風明歷算占筮知神馬騫擊也

藩武幹如虎竇威雖有可讀書之癖而博覽亦可取者  
楊炎雖有殺劉晏之惡而孝行亦可稱者逮至于宋張  
載沉潛力索妙契疾書訂頑砭愚擴聖賢未發之旨正  
蒙理窟闡道學幾墜之泉張戩爲御史論王安石之亂  
法而權奸不敢肆閩詢仗契卅諳比方之情狀而夷人  
不能欺元之時楊焯趙榮禱山以明毋目二禱山以  
愈毋疾而啓莖之日有疏食終喪負土成墳之異我  
朝之時甄儀李敬臣艾瑛兩爲巫卿一爲布政而發身  
之途有舉人人材才能早異之異天順以後人才亦不  
乏人吾未暇舉之也

漢州人物

陝西有卷

鳳嶺物

九

崖谷峻絕十里百折其說見於柳宗元也秦坤蜀良連  
高火深其書本於歐陽詹也故以言其形勝之奇則東  
接襄沔南通廣漢西連梁洋北控商虢以言其國家之  
利則前控六路之師後據兩蜀之粟左通襄荊之財右  
出秦隴之馬此誠成都之喉咽巴蜀之捍蔽也人生其  
間風氣強梁多事政權而有踏石解纜之風然俗隨五  
方而好義之士豈不足以揚休光於後世者哉請具陳  
之漢有鄧先申晁錯之冤有鄭子真卻王鳳之聘張騫  
使月氏十三年可謂不辱命矣且張猛與周堪輔政天  
下服其剛爲石顯所害天下知其冤李郃知二使星向  
益部可謂善天文矣其子固忤梁冀天下謂之名相孫  
燮精經學天下謂之賢尹李法爲光祿大夫不阿權貴  
錫光爲交趾太守不附王莽楊王孫雖所治非其術而

陳莖及真主於儉約祝龜雖所事非其君而撰者舊傳  
善於鋪敘晉之時有王遜以馬駒討富國爾忘家也有  
張威以士兵逐寇公爾忘身也以南北朝之時言之垣  
護之強果垣崇祖之幹畧皆有功於宋齊者也至於垣  
榮祖彈雲中之鵠志氣不凡垣閔却齊主之婚器識有  
在若夫垣閔守九真素有威信垣曇監羽林雅有學行  
隋之人物亦有可言者矣李襲志不降蕭銑甘取陷城  
之辱何爰上論蘇威靈就龍州之貶節義皆可稱也以  
唐言之李孝儒封郡公辭歸不就崔觀辟叅謀辞疾不  
至此皆無意於進取者也至於權倖入蘇原明之群而  
善善言之長權皇烈安祿山之辟而思思之嚴若夫權德  
輿爲文章貫綜經術權璩爲進士顯著休聲而宋之人  
物亦有可言者矣雍冲以太學生欲斬元祐紛更之臣  
張珏以制置使就死於元人被執之日氣節亦有可取  
也元之時七歲能文而隱居有終焉之計三入中書而  
經綸有勿欺之節非李孟乎我

朝之時或以鄉貢而擢知州羗人畏服或以通經而擢  
鹽運國計充足非吳備梁春乎天順以後人才亦不絕  
吾未暇屢數之也

### 平涼府人物

水土雜於河西人煙接於北地此是郡疆域之僻也西  
陲實爲要地山川最爲秀核此是郡形勝之奇也孟禹  
貢雍州之域天文井鬼之區左控五原右帶蘭會黃流  
在其北崆峒阻其南誠所謂襟帶西涼咽喉震武者也

考其風俗穴處者多將手者衆尚氣復甘善騎射然被文  
王之化而婚姻喪葬豈不井井然可觀者乎請申之漢  
之時梁統當更始之亂與竇融趙兵保境梁松爲少府  
之官與諸儒脩禮制儀梁竦以經籍自娛而三子皆膺  
第士之對梁商以謙抑自持而一門皆興椒房之戚李  
恂持節布恩不負韓詩之學王符杜門著書自號潜夫  
之論皇甫規爲中郎將討平先零皇甫嵩爲比地太守  
討平黃巾以一國之特旨之皇甫謐博綜典籍而有玄  
晏先生之號胡奮從征遼東而有夏陽子之封晉之時  
皇甫重爲新平太守沉果有用張軌爲涼州刺史威信  
有爲南北朝之時鄧彥海博覽詩書而與崔宏參定朝  
儀胡國琛雅尚清儉而與崔光俱授帝經席法友刺豫

陳書卷九

梁書卷九

七

州以廉清稱蕭闡文刺雍州以才能稱韓茂討赫連功  
不可及矣而子備爲行唐侯均繫安定公昭昭乎聲譽  
之莫掩皇甫和明禮儀學不可及矣而弟亮爲行臺郎  
子聿道爲比部郎綽綽乎幹局之可觀梁士彥梁處有  
平齊平王謙之功金祚有討楊紹先之績隋之時皇甫  
績益平陳之業皇甫誕死王諒之亂牛弘有弟殺駕車  
牛而不以爲意其篤於兄弟之義也如此梁彥光以父  
用紫石英而忽然有得其深於父子之孝也如此至於  
梁毗刺匹寧而不受金官大理而不枉獄亦有可尚者  
矣唐之時牛僧孺對賢良之策洋洋乎文理之蕙優皇  
甫鏞諫兄鐔之言凜凜乎忠誠之懇到皇甫無逸聞并  
州之變而卽號慟其得於過庭之訓者孰出向遇遠方

之老而卽號勳其得於邂逅之遇者奇宋之時郭成郭浩破金人於建炎之時吳玠吳玘吳玠破兀朮於和尚之原曲玠破夏人於涇原郭執中破金人於成州郭許爲傳致所害然終不受汚之言至今爲之出色也曲端雖爲張浚所害然大敗虜伯之功當時爲之推重也劉惟輔爲副總管殺金將黑鋒楊政爲安撫使敗金將兀朮向寶發一矢以殪虎年十四而破敵真薛仁貴之比矣胡順之械豪橫而不之容迎州官而不之拜宜范仲淹之愛矣我

朝之時張諒任營繕司員外克勤所務擢布政司參議懋著乃聲天順以後人才亦不絕吾未暇論之也

### 鞏昌府人物

堅壁卷九

平涼人物

十三

論鞏昌之疆土按壤羌戎通道隴蜀雖近於僻考鞏昌之形勝背山面地襟帶秦隴則極其奇蓋其地西傾宋圍東逼梓潼卽戎羌之地而秦之隴西漢之天水東漢漢陽卽此地也人生其間雖高尚氣力以習獵爲生然習無荒浮多循古制者也不然何車鄰小戎之詩皆有格言可傳誦者乎請具陳之周有石作蜀爲孔門之弟子漢有紀信爲開國之忠臣漢之人物不止此耳李廣爲北地太守匈奴爲之遠遁趙充國爲車騎將軍西羌爲之夷滅都護西域段會宗也而諸夷爲之立祠從擊羌人龐德也而軍聲爲之大振任棠隱居教授太守龐參欲致之而竟不與之言但以一薤一盃示之其意不在也姜岐隱居守道太守橋玄欲致之而竟不之往

曰趣嫁其母督之其操益堅也楊阜趙昂皆破馬超於烽火擾攘之曰隗囂趙壹皆嗜書經書於兵燹雜亂之中三國之時閭閻雖爲馬超所仇然守死之節於道爲盡矣姜維雖爲鄧艾所降然伐魏之舉於義亦正矣晉之時朱冲以寬大化其鄉姚弋仲以忠義勉其子楊輔好易而有數百人來受業其行義何清脩也姜平子賦詩而字直不屈下其諷諫何委曲也南北朝之時焦度辱庾以之而有焦度樓之號尹正擒張纘而有新野侯之目趙知禮爲元締軍事又以書翰自娛趙文表世爲二石又以脩謹自勵李叔仁破王超宗李弼破高懼皆爲國賊禍亂者也趙貴破元顯趙昶破氏羌皆爲君除寇盜者也李穆從宇文撫關中謙謹而無滿溢趙嬰從

唐書卷九

華昌翁

十三

宇文破洛陽深沉而有器局辛威有嚴明之畧權景宣有仁厚之心楊機有清白之操趙芬有決斷之智隋之時李景有平陳之功而爲總管一方之千城也權武有平陳之功而爲刺史一州之保障也李充擊突厥有折衝禦侮之畧姜暮化盜賊有道德齊禮之風唐之時姜晦令長安處事精明矣而平高昌封郡公者兄子確也尹思貞明春秋擢居高弟矣而通百家拜學士者子情也李白才思飄逸寓情於詩酒之間李仲敏盾性剽峭獻忠於奏疏之語李揆門地固高而尤以文章爲時羽儀李讓夷爵位雖顯而尤以儉約爲世谷美趙昌都護安南夷落嚮化趙憬見知李必志行超凡五代之時王仁裕著紫泥文采卓卓也唐景思戍淮上功烈彪彪也

迨至于宋尹崇珂爲刺史有善政太祖命李穆撰文以頌之李士衡爲三司使有異政真宗作寬財論以賜之董湜好教子之樂而子綬緝相繼登第教之以文而述之以文也王君萬解河州之圍而子賜贍屢立戰功師之以武而述之以武也劉仲武敗吐蕃而贈少保之功勒之昇彝矣趙隆平夏州而賜旌忠之額榮於華衮矣劉錡敗金人於順昌而武穆之謚當其實張俊敗金人於太原而鐵山之號揚其休工德張威皆與金人戰一則百戰未嘗敗北一則戰酣忿奮精采大羊之醜翕然遺迹三舍牛皓張子蓋皆與金人戰一則死之於堯吾谷一則擊之於海州帷幄之籌足以折衝千里曹友聞之節如松栢見於控制太原之時丁燭之才如霹靂見於安撫利州之日逮至于元李庭玉每戰而有功以老而乞歸汪世顯汪惟正祖與孫鵬可議者多而亦有一節可取楊大淵楊文安父與子雖可疵者多而亦有一藝可用以我

朝言之門克新爲訓導生徒有就而有春坊之擢曹銘爲給事才名夙著而有都憲之擢汪壽守備涼州謙恭下士儒將之風庶幾近之楊仕敏知太平府平易近民循吏之政殆足當之大順以後人才亦有之矣吾未暇數之也

臨洮府人物

考河隴之故地乃嬴秦之舊封其民則徙關東之下平其境則接巴雋之襟裔皇蘭峙其南黃河經其北其山峻聳其勢平夷比本西羌之地秦爲隴西宋爲武始隋



為金城者也人生其間雖好勇喜獵然民俗質朴而  
才有可言者矣請申之漢之時辛武賢為酒泉太守能  
助成趙充國之功其謀畧有可尚也辛慶忌為車騎將  
軍能力救朱雲之死其忠節有可褒也若夫辛勉卻劉  
聰之餽辛謐卻冉閔之官辛恭靖抗姚興之難則皆晉  
之時也劉雄為宇文泰所信辛昂為尉遲迥所德辛德  
源為隋高祖所妬則皆周之時也魏之時辛慶之宗欽  
皆有儒者之風李禮成梁覽皆有行伍之功以隋言之  
不安以戰功陞柱國王傑以戰功封郡公辛彥之貢祭  
祀之物心存忠愛也辛公義排霖雨之灾心存誠敬也  
李襲志不肯為尉陞尊王之經也薛舉自立為霸王齊  
止之權也逮至于唐李襲譽以廉平聞辛雲京以勇力  
著以渾釋之為父而有征荆方之功以渾瑊為子而有  
復西京之功宋之時王湍有平叛寇之績雖為苗劉所  
害而功業顯矣高子孺有知蘭州之名雖為金人所殺  
而心事明矣若夫馬慶祥包長壽皆守死於金之時趙  
昌祈望芳皆有功於元之時以我

陞聖差支

慶功

十五

朝言之石執中為主事斷獄平允而有左布政之擢趙  
安為指揮屢立戰功而有會川伯之封天順以後人才  
亦不絕吾未得悉數之也

慶陽府人物

張載記大順城曰城高如山地深如泉何山川之固也  
章叅記安化樓曰民淳不爭士慤有文何風俗之美也  
以其沿革言之禹貢雍州之域天文井鬼之星周為不

窟所居之地秦爲義渠所居之國其名秦曰北地隋曰弘化曰安化者唐也曰環慶者宋也人生其間多穴處尚耕獵然先王興王之地流風漸被豈無綽綽奇才可以鳴國家之盛者哉請具陳之上古之時有岐伯而著素問難經之書周之時有不窞而啓公劉古公之窞若夫公孫昆邪有擊吳楚之功公孫窞有征匈奴之功至於傅介子破樓蘭甘延壽破郅支梁慥破烏桓皆兩漢之人才也傅嘏尹河南有聲傳咸爲司隸有聲至於傅玄劾權貴傅祗治水利傅弘之戰青泥皆魏晉之人才也宋之時王庶劾秦檜而至於道死謚之敏節宜矣若夫李彥仙敗金兵而至於戰歿謚之忠威宜矣若夫張吉以一烽卒而以忠義勉人以死節自奮充爲人所難也元之時有朶兒赤注尚書而有儒者多嘉言之贊墾民田而有雲南廉訪使之擢逮至我朝史仲成爲御史能持憲綱孔文英爲御史能清軍政堯理爲太僕少卿以經術飾吏治張驥爲大理少卿以才畧平浙寇若天張清之歷官有聲又有可言者矣天順以後人才亦不乏吾未得悉數也

延安府人物

疆理於往古者則禹貢雍州之域天文井鬼之星爲可稽沿革於後世者則春秋白翟之國後魏統萬之鎮爲有合其名則秦爲上郡魏爲金明乃三水之要會五路之襟喉固邊陲之郡實爲形勝之地方考其風俗雖尚鬼神事武力然不崇侈靡頗習程法而人材亦有可

也請具陳之後周有秦族有哀毀過禮之孝唐有張  
高有從征太原之功迨至于宋李繼周王文郁皆有破  
西夏之勲李靈采昭皆有死金兵之節楊偕著兵書固  
矣而廢郭后之爭真爲忠朴李浩著安邊策固矣而破  
智高之功尤有謀畧劉懷忠與夏寇戰死而子紹能四  
十七年守邊有忠勇第一之褒有光於前矣李未奇爲  
金人走死而子顯忠十七歲行兵有真關西將軍之號  
善繼其志矣以劉延慶爲父從征西伐有功矣而討回  
比賊有子劉光世焉以韓世忠爲父大破兀朮有功矣  
而著水心鏡有子彥直焉張岳巡麟府路諭夏將於帳  
中張宗顏遷崇信軍敗劉豫於泗上高永能入羅兀解  
元討苗劉楊畋討平徭賊折可適經畧鄜延凡此皆宋  
之人才也元之時何從義事祖父母以孝聞劉思敬事  
繼母以孝著王思聰禱天以愈父疾王士弘求醫以治  
父疾袁榮張允恭皆居顯官張閏趙漑皆近儒術我  
朝言之郭末道有學行而官至尚書王思有才行而官  
至叅政宋詡爲應天尹歷官有聲丘野爲監察御史激  
揚得體湖廣副使高懷敬起身人才而有能名四川副  
使張綱起身國子而有勤名天順以後人才亦不乏吾  
未得而枚數之也

寧夏衛人物

禹貢雍州之域天文井鬼之星此其疆域之異也春秋  
羗戎所都西晉赫連所都此其沿革之異也其地黃河  
遶其東賀蘭管其西豈非邊陲之極地形勝之要衝乎

漢其風俗雖信機思尚詛祝敢戰鬪然自我

朝未徙民於陝西之先居民不雜五方之八而人才有  
可言者矣請具陳之漢有傅燮有諒直之名晉有傅亮  
有開創之績傅昭仕梁而博極古今稱為一府傅綽仕  
陳而專掌詔誥號為能文唐之時韓游瓌以安祿山之  
衆楊懷賓斬李懷光之黨康日知敗李惟岳其功偉矣  
而子志睦承訓一封郡公一封郡男非以能繼志耶戴  
休顏敗朱泚其功卓矣而弟休璿休晏一封郡王一封  
郡公非以其能追美耶至於史敬奉出奇縵後可謂智  
矣走逐奔馬可謂勇矣以宋言之周美有功於幸澶淵  
之時幹道冲有功於譚論語之日逮至于元李楨從伐  
金李恒從取宋以高智耀為父而有儒術補治道之奏  
以高履為子而能稱浙東廉訪使之職至於口生吉為御  
史大夫克持風裁為江州守沒身王事此皆允於元者  
也我

朝人才雖不多見然徐琦以邊人登進士之榜以書生  
掌兵部之權非一鄉之卓卓者乎天順以後人才亦不  
乏人吾未暇論之也

北州衛

岷州衛

河州衛

靖虜衛

文縣千戶所人物

四衛雍州之域文縣梁州之境此其疆域雖定於古十  
室必有忠信豪傑亦能自曲此其人才可證諸今蓋兆  
州本秦漢諸戎之地西控番戎東敵隴岷州本秦漢  
兆之邑東連熙鞏西垂兆豐至於河州靖虜

漢隴西之制一則東繞洮河西峙積石一則南而

北皆祖厲石夫文縣本春秋氏羗而漢西南夷也

風俗雖皆勁悍而駁雜然鍾靈萃秀之士亦間見層

以垂芳於一載豈可謂秦無人哉請具陳之唐有李晟

破朱泚功烈著於社稷有李愬擒吳元濟威聲震於邊

陲以父子而君此不亦難哉此洮州之人物也未有馬

望守咸淳雖元將招之不從而其於殺身有馬堅知欽

州雖元將招之不從而終於斷首以兄弟而若此不亦

奇哉此岷州之人物也以河州人物言之有念賢者卻

相術之非習勤學之事任永熙之問受郡公之爵以靖

虜人物言之魏有張繡殺麴勝以報祖之仇宋有程俊

捐家財以贖母之生至於張覺民第進士於元祐之朝

陜西會卷九

都人物

十九

號草堂於歌詩之日此文縣之人物也我

朝人物雖不可考然

聖明御極仁漸義摩將必有繼二李之功勳追二馬之

忠義者矣

### 陝西行都司人物

考是邦之疆域古為月支而為張掖武威酒泉西平五

郡者漢也魏置并州而為前涼後涼西涼北涼五國者

晉也考定邦之形勝環以祁連合黎之山而峙於左者

紅崖也豈父以居延鮮卑之水而猪於右者青海也昔人

謂是邦乃羗戎通驛之路三陝重圍之處信其然也生

足地者雖壯猛習武事穴居野處崇尚釋教然自張氏

以來民俗質朴慷慨有葦風豈可以戎域小視之哉請

具陳之漢之時以金日磾爲兄著忠勲之節矣而二子亦能繼先志爲昭帝侍中焉以金倫爲弟且惇篤之操矣而四子亦能追先美爲元帝侍中焉張奐舉賢良而爲武威太守大著威化蓋勳舉孝廉而爲漢陽太守存活飢民至於段熲爲司隸校尉與皇甫規並顯名焉三國之時有栾布之節者龐涓也有良平之智者賈詡也晉之時賈疋有志節匡復晉室雖爲賊所殺而忠孝之節全矣索靖善草書馳名海內雖爲賊所害而五龍之號著矣祁嘉博通經傳而受業者二千餘人宋纖隱居九泉而受業者三千餘人至於索綝見誇於父索靖蓋逸群之量也見害於漢劉聰磔匪躬之節也南北朝之時亦有可言者賈登年十歲而能訟父寃空爲尚書左

陝西省卷九

行都人物

十一

丞不尸位矣劉延明年十四而能就博士卒爲儒林祭酒克堪任矣宋繇極意爲學封清河公固矣其孫游道有討惡之名豈愧乃祖耶段榮專意星象封姑臧侯固矣其子段韶有領兵之才豈愧乃父耶源賀爲征西將軍而上兵機十二陣蓋非同洞識譎畧者不能也源思禮爲侍御中散而上事宜三十餘條非通達政理者不能也段榮專意星象而識人事之讖段韶入參帷幄而有望重之尊實友宴飲及授執爵之人侯景大逆反得行觴之救非陰鏗乎陰壽代摠戎事而裁決甚平陰世師拜張掖守爲戎狄所憚從唐李靖討吐谷之功副僕君集建高昌之績非薛萬鈞乎萬勳軍功之顯有國公之封萬備廬墓之孝有詔表之美趙武孟感母言而爲御史

其子彥明風骨秀爽亦登進士也烏承珙負勇決而爲平章其兄承恩塹原泉石爲殿中監也至於烏重胤爲司馬節度使亦有令名矣李抱玉沉毅有謀觀其言耻與祿山共事所見者大李抱真深慮有斷觀籍丁能破朱滔之亂其功不小至於段平仲以進士拜御史亦著顯聲矣博學宏辭居學士之官下筆草詔歷僕射之任此又五季之李琪也以元言之荷戈之夫多嫉儒吏常情也乃有武人劉容與許衡游則其好學之功可知矣披甲之士多喜征伐流弊也乃有武人昂吉兒疏諫用兵則其經國之謀可知矣以至余闕登進士守安慶有保障之才提孤軍抗群盜盡捐軀之節即唐之張巡宋之文天祥也逮至我

朝吳允誠立戰功而封恭順伯則永樂之爪牙也吳晉著立戰功而封廣義伯則洪熙之心腹也吳克忠爲太保死于陣而謚壯勇吳克勤爲都督死于陣而謚僖敏有兄弟如此允誠可謂有後矣天順以後人才亦有可言者吾未暇論也

浙江省上

屏石戴璟著

杭州府人物

讀秦觀雪齋之記而知是郡外帶江海之險內抱湖山之盛讀葛豐帝都之賦而知是郡據東南之都會號繁盛之樂土蓋龍山據其首西湖蟠其腹天竺聳其胷東山卧其背誠所謂山川之秀麗井邑之浩穰者也以其名考之或曰武林或曰臨安而杭州之名則始于隋也人生其間雖尚侈靡務工巧然人性敏慧尚禮厚龐人才之出豈不亘古今而卓異者哉請具陳之三代人物不可考矣其在於漢若張儼之開圃而享一時之樂孫

浙江卷十

杭州人物

一

鍾之種瓜而啓四世之貴其在于吳則有凌統拜偏將軍而繼乃父之志全琮爲東安太守而著國士之風郭成本泛五湖者也而享茅土之封其節義有足褒也丁謬本起行伍者也而來顧邵之薦其謀畧有足多也以晉人物言之楮陶作鷓鴣鳥之賦穎悟絕倫矣故張華謂東南之寶而替之深也郭文拔猛獸之骨驍勇出衆矣故王導有西園之迎而待之異也至於以范平爲父而以政事顯以范奭爲子而以文學鳴南北之時卜天與吳善皆仕于宋而天與之拒劉劭尤忠臣之報國也朱謙之范述曾皆仕于梁而朱謙之殺幼方尤孝子之復讐也雙讐也以松節讀書而作黃雀之賦顧惟也徵辟豈得而屈之耶以園蔬爲業而渡涉溝之盜范元琰也召命豈



得而招之耶威袞講經領答如流而有禮記義可展倫也顧越避難辭爵如脫而有毛詩疏可潛味也監二郡於亂離之間而封丞相侯非杜稜乎識文帝於草莽之中而封臨安侯非駱文牙乎至於杜之偉仕梁爲中書仕陳爲鴻臚節義雖不足觀而文辭則有可取矣以隋言之陸知命任御史而整肅百僚許善心任禮部而讀書萬卷顧處著古文尚書義疏爲秘書學士稱其職矣魯仲達著毛詩章句義疏爲國子助教當其才矣逮至于唐褚遂良當武后之立扣閤力爭卒死於邊而不悔直魏徵之比也許遠遭安史之亂悉力支吾其死於賊而不攝直張巡之流也異龍出湖讀書不聞褚無量也而能定南郊之禮烏鵲來巢行孝所致章成緬也而遂

浙宋書卷十

杭州人物

二

擅孝標之名凌準以謀畫佐元戎而朝中爲之倚賴錢鏐以鄉兵破巨寇而境內爲之差安破黃巢者吳公約也拒董昌者馬綽也杜建徽單衣入陣屢立大功而威烈之謚當時榮之羅隱請討朱温最工詩句而甲乙之集後世欽之逮於五代薛温之備廢主忠厚之至也而謚爲正顯曹圭之宇嘉禾膽氣之壯也而方之晏嬰以宋時言之錢惟演少有俊才而族子錢易明敏縱逸登進士甲科宜也至於其族孫曰彥遠曰明遠其曾孫曰藻曰勰皆中賢良方正之科其家教授必不苟也謝濤少有文行而子絳脩潔醞籍舉進士甲科宜也至於長曰景初次曰景温季曰景平皆長文學政事之才其家學唱和必有受也楊大雅十歲作雪賦而有歐陽修

爲之婿唐肅七歲誦五經而有唐詢爲之子張九思  
試第一而極詆權姦樊光遠省試第一而極論時弊獻  
汴都賦辭調無比周邦彥也佐錢王俶戰陣有功孫承  
祐也孫贇與蔡京不協而不從張邦昌者唐恪也凌景  
夏與秦檜不合而欲斬韓侂胄者趙汝讜也沈遘舉進  
士第二沈晦舉進士第一而文章聚於一家也虞策以  
官居吏部盧奕以官居戶部而簪纓聚於一姓也何鑄  
救岳飛而貶資政其操守端矣趙汝談從朱熹而訂疑  
義其趨向正矣使金而自篆九字授其友滕茂實也爲  
相而御製四字授其家錢端禮也儂智高之寇亂元絳  
供軍餉爲有功錢俶之反側崔仁冀勸來朝爲有力李  
用和以椒房之親而小心靜默貴而不驕也李宗勉以

歷代集十

杭州人物

三

台輔之位而家若貧儒富而不矜也鎮撫西夏則有若  
陸詵賑濟毗陵則有若黃黼盛度知樞密而留書不去  
手何力學之篤也林逋隱西湖而詩文不絕口何操履  
之方也以強至爲父而有子淵明爲學士以才畧聞於  
上以吳師禮爲弟而有兄師仁爲博士以學問顯于時  
洪谷夔忠於諫而有六條之陳以道事君也卽簡恬於  
進而無一人之薦以誠感上也葉時操履端疑而善朱  
晦公文康之謚何愧哉葉李剛直不阿而攻賈似道文  
簡之謚何忝哉以元人物言之楊載之文以才氣爲主  
而以漢魏爲之宗吳衍之詩以清麗爲主而以李賀爲  
之宗若夫撰尚書要略九歌譜說又衍之所獨得也然  
古之流寓於此者晉有干寶搜神記悉鬼神之情唐有

裴覺爲刺史得義方之訓元則有解于嬰以能書且聞而趙孟頫爲之推重張翥以能詩聞而仇遠先生爲之淵源貫雲石以武人而折節讀書卒爲侍讀學士焉鄧文原以文臣而博學強記卒爲侍講學士焉以我

朝言之官刑部而蒞政嚴明胡禎也官兵部而才識明敏方賓也柴車爲大司馬而正色率下制勅褒之于敬爲布政使而才能著稱士林推之王洪蔣驥均之爲行人以清謹著而洪之三典文衡著毅齋集其造詣尤深也沈升孫子良均之爲庶吉士以學問鳴而子良之與修大典著螺城集其學力尤奧也瞿佑自教諭而官長史有該博之名鄒濟自訓導而官詹事有和易之德姚肇以孝廉而參大藩其論諫切時弊也吳登以學文而

浙法卷十

杭州人物

四

官黃門其建白中君心也至於徐琦受委托於南京蔣暉工書法於翰林又皆粲然可觀者天順以後人才車載不絕吾未得而悉數之也

嘉興府人物

考嘉興之地其疆域在揚其分野在斗考嘉興之名在周爲橋李在宋爲嘉禾說者謂大海環其東南震澤匯其西北右蘇左杭襟溪帶湖山澤之介魚鹽之饒誠全吳之腴壤而江東之都會也考其風俗雖信巫鬼多牒訴然英賢迭出先後相望豈不可與蘇杭等哉請具陳之三代以前人物不可考矣漢之時則有嚴助以賢食拜中大夫而守會稽觀其作賦頌馳名於馬朝爭雄之後朱賈臣以薦舉拜中大夫而守會稽考其政東越騰

聲於衛霍出師之先至於張武痛父殺而持劍祭泣  
毋喪而過毀絕命可謂之孝子矣晉則有韓績而少好  
文學天子不得臣陳則有顧野王而幼能屬文當世無  
與比逮至於唐則有陸敦信陸齊望陸倕皆以政事重  
於廷而倕之尉溧陽民懷其惠世享其祠真男子事也  
有陸贄陸扆皆以文學重於世而贄之作奏議百篇論  
諫一本仁義尤名儒筆也徐岱辨論明銳而復禮卿之  
號則李栖筠有以彰之也顧况詩文雅麗而居大不易  
之朝則白居易有以表之也五代之時得一高彥焉事  
吳越十年有征伐之勲爲刺史兩郡有寬簡之政宋之  
人物不可以一言盡矣謝炎與盧植齊名其爲文可觀  
也且知華容公安二縣非學而優則仕乎聞人宏與陳

子翁同遊其高誼可慕也且著經史旁通等書非仕而  
優則學乎呂諤呂詢呂評以兄弟登進士而有名於兩  
浙陳之綱陳之純陳之經以兄弟登進士而有聲於四  
方魚豈註杜詩十八卷能博學矣而魚豈魚豈及其子  
可封可宗可簡皆以進士世其家燁燁科第光于一門  
如此也趙孟堅爲太守數年有異政矣而趙與翊趙與  
稼及其族崇恆崇崇愈崇昔崇侑皆以進士同其科濟濟  
豪傑聚於一榜如此也知山陰而不行新法陳舜俞也  
其登制科第一不負所舉知江寧而善能撫字莫光朝  
也其詩追配唐人不愧所擬蔡開蔡闢徐龜年徐逢年  
皆以兄弟登進士而龜年之爲知縣而賑恤爲御史而  
沒劾吾尤敬之也郭爰郭三三血莫林莫澤皆父子登進

士而林之判常州而振起守臨江而循良吾尤嘉之也  
捕私茶宜進秩矣而錢文爲之力辭破囚械若縱罪矣  
而沈木因之制勝著九山集者呂重庚也著東園叢說  
者李如箎也陳壇歷三部尚書而著讀鑑隨筆之書其  
子鑄亦登廷試蓋餘慶也輔廣著五經注釋而師事文  
公之門其學者稱爲傳貽先生蓋確論也歷官州縣政  
有能績趙汝能也歷官臺諫政有嘉聲江珪也遷左庶  
子而屢進讜言非婁機乎爲御史而屢陳公論非沈炎  
乎王用亨作二記於座右而鄉隣之登仕籍者多出其  
門成已而成物也常林陳天變於上前而廟堂之議國  
政者多拂其意至大而至剛也以元言之吳森建義塾  
而庶訪使表其門曰義士潘應定廬墓側而左丞書其

門曰雙嶺舉進士而有養蒙集張伯淳也首鄉薦而有  
脩辭纂俞鎮也至於威敬之於毋廬墓以居張九齡之  
逸駕也刻像以事丁蘭之後塵也逮至我

朝著大易傳義者鮑恂也微爲學士而辭歸是其重道  
義而不計乎功名也著清江文集者貝瓊也徵脩元史  
而成編是其善筆削而不局於口耳也著牧民心鑑童  
子習二書則有如朱逢吉著蒞政戒銘四十二篇則有  
若殷近仁以秀才擢僉都程本立也以賢良擢按察沈  
兼善也鄭楚瞻陳俊民皆以學行而歷官其後或佐外  
藩或副內臺綽綽乎有餘才也徐子良朱傑皆以監生  
而歷官其後或爲大叅或爲通政赫赫乎有令譽也崔  
求之尋母而有崔孝子之號姚文之守郟而有廉謹自

持之名天順以後人才彙征不絕吾木得而悉數之也

湖州府人物

江表大郡吳興為一顧况記也江外饒佳郡吳興天下  
稀司馬光詩也蓋其地乃揚州之疆域斗牛之分野夏  
謂之防風楚謂之狐城或曰吳興或曰雲川而湖州之  
名始于隋也以形勝言之蒼峰北峙群山西迤山澤所  
通舟車所會雄於楚越誠南國之奧五湖之表也亦其  
土風淳厚習俗歸美士有遺韻之績張方平言之家有  
詩書之聲趙孟頫言之然則東南儒風之盛孰謂不自  
湖學始耶請具陳之三代以前人物未之聞也漢之時  
則有丘勝以公卿居於鄉邑見幾之智以盡施延以太  
尉諶於邪佞殺身之仁以成沈瑜居喪過禮度而有終

浙西卷十

湖州人物

七一

成奇器之譽費汎治邑多善政而有蝗不入境之祥三  
國之時朱治隨孫堅征伐而封毘陵侯其子才 精敏

善射可謂能襲其芳也朱然乃呂蒙 薦舉而封永安

侯其子績膽力過人可謂能述其事也吳粲有救軍士

之恩王談有復父讐言之志晉之時丘昂織畚自給家貧

好學其弟曰夷曰矩孝友並著三丘之號不誣也潘綜

迎賊扣頭請救父命其父純得免橫禍純孝之號不過

也沈勁守洛陽而為慕容恪所害守死之善也施彬侯

中蠲而有子平為尚書積善之報也南北朝之時則有

沈田子據青泥之地破姚泓之眾沈懷遠沈懷文兄弟

也而各有文集沈道虔沈慧鋒父子也而皆辭徵辟世

為將帥而折節好學沈嶺之也不事左右而坐青獲罪

沈嘖之也沈憲爲令甚著政績太守褚淵稱之曰方員可施非虛譽也丘寂之爲西曹待旨開門刺史王或稱之曰郢君復出非虛言也吳達燒磚爲業而好讀書然以暮年葬十三棺其高誼可以激頑也沈麟士織簾爲業而好讀書然撰要畧數十卷其博學可以範人也此皆劉宋之人物如此也丘靈鞠爲祭酒而不願數遷其子遲少能屬文漸染之者熟矣丘冠先使蠕蠕而不肯拜屈其子推不受錢布哀痛之者深矣此又事于齊者然也以梁之人物言之著晉書及文集數百卷沈約也著三禮義毛詩音等書沈重也吳均撰春秋及註東漢書時謂之吳均體沈文阿撰儀禮八十條及春秋等義疏時謂之習父業沈崇係居喪過禮而梁武帝勉其釋

沈氏卷一

湖州人物

八

服太史叔明兼通孝經而邵陵王聽其講說沈浚值侯景之亂責以太義而徑去不顧沈炯值侯景之召援以官軍而辭疾不赴沈瑀以性剛直於上有忤而在道被殺何不幸至此也沈續以父中傷累訟不白而布衣終身何至孝如此也以陳之人物言之胡頴沈恪皆有功於興兵之初陳仲舉沈不害皆進忠於建國之後孝行著聞錢道戢也而以功封侯輕財尚氣章昭達也而以功封公沈洙以博學聞而官左丞沈君理以幹理聞而官僕射以言平隋姚察精於史學而有子思廉能繼其業吳嶠精於天文而有徒袁天綱能紹其傳至於有沈尤者登衝梯之端短兵相接何其勇也乘江都之難戰死不悔何其忠也逮至於唐錢九龍有討黑闥之功沈白

備有定郊丘之議陸龜蒙嘗茶而立江湖散公之號  
起善詩而與大曆才子之列孟郊之才天才也而張  
籍爲之定貞曜之謚沈景筠之孝直孝也而賀知章爲  
之撰孝德之傳徐勣有才名而三世登侍從包融有科  
名而兩世顯科目沈傳師文藝第一而官吏部有公道  
沈韜文謀略無雙而領鄉郡有清名若夫以宋之人物  
言之葉參葉青臣父子登進士而參之卓然自立尤爲  
可尚吳可幾吳知幾兄弟登進士而知幾之號爲孝子  
尤爲足誇盧革爲轉運而神宗稱之曰革廉退宜與嘉  
郡且有秉爲之子乞解官終養馬廬知原爲轉運而徽  
宗勉之曰卿在蜀功効甚休且有法原爲之弟爲宣撫  
有名馬劉壽著南山集而黃庭堅稱之謂羊欣復生也

浙江書卷十

湖州人物

九一

沈復著四益齋集而直德秀序之謂其得大臣體也王  
安石欲薦俞濤而濤方辭之然與趙抃相得深也章惇欲  
薦朱服而服舉劾之然與蘇軾相交素也方秦檜之謀  
殺岳飛也史棋孫鞠之曰誣人以求榮吾不忍也遂焚  
其書可謂不畏強禦矣方蔡京之謀陷章絰也沈疇鞠  
之曰殺人以苟位吾不屑也遂反其獄可謂不附權姦  
矣長樂府者張先也而張三影之號播於天下通天文  
者沈括也而使契丹之書傳於後世賈安宅爲大觀狀  
元而屢司文柄得實材之用莫蒙兩魁法科而出使金  
國得行人之體論新法者劉誼辦黨人者劉珪四百餘  
奏辭皆剴切沈與求之爲中丞也論疏切直三黜不變  
規恩之爲侍郎也葛郊在言格而論事皆中時弊蓋



文定宜矣李彥穎參政事而論事披露忠董璠之忠文  
宜矣芮晫與弟暉力學而有二弟之號錢選與馮應齊  
名而有三絕之號爲宰相而清約自持者施鉅也而趙  
彥博以才能顯知臨安而所至成績周諮也而趙與黨  
以才猷著著易書春秋傳者葉夢得也至於魯伯能則  
文集三百卷以翰墨自娛馬撰小傳六卷者沈該也至  
於沈瑄則著南歸三錄以忠憤自據馬游汶嫉賈似道  
而不與之會竟固直矣且不任乎元充足以扶植綱常  
也徐俊惡賈似道而請肆之朝剛固剛矣且不任乎元  
充足以建立人極也劉一止劉寧止兄與弟也然皆有  
論列可傳劉述劉岑祖與孫也然皆有政績可紀爲葉  
義問所薦者沈樞也而有君子小人之辨與丘宥爲師

浙卷第十

湖州人物

十一

者沈作賓也而有以寬濟嚴之節朱泰之脫於虎口孝  
之感也陳存之絕於醫粟忠之激也至於章鑄方宋之  
存而屢進讜言於上及宋之亡而不納誥勅於元此其  
節義尤彰彰可尚也牟應龍方宋之存而爵位讓之兄  
弟及宋之亡而經學講於父子此其文燁落不凡也  
以元言之趙孟頫雖不能守節而工詩善畫墨畫至今人  
傳誦之沈夢麟雖不能守節而著花溪集至今人寶藏  
之著者易呂說者倪淵也著折桂集者宇文公諒也至於  
張焜復爲秦州同知之官與吳興八俊之列此又元之人  
物也若夫古之流寓於此者錢林自徐州而來以隱陝  
門不事王侯不干名利其高節超然不可亂也裴子野  
自河東而來以著宋路人成於手戔戔成於心其爲文矣

然不可刪也張志和本金華人也煙波釣叟之號取重於顏真卿李真坊之名表章於觀察使太虛爲室明月爲燭此其爲人孤介如此也陸羽本復州人也筮易而知姓名有桑苧之號在唐而隱若溪有茶經之撰獨行則歌嘯意則哭此其爲人放達如此也陳舜俞來自嘉興論青苗而貶官何彦猷來自高唐救岳飛而罷職蔡沆知寧國而豪無餘資何廉恕之牟子才爲御史而四壁蕭然何清如之至於敖繼公本福州人也邃通經術動遵禮法趙子昂事之如師高顯卿薦之於上儀禮集說雖已脫藁而信州教授未及莅官此又流寓之人物如此也若夫我朝之人物又可言者張羽舉明經而授司訓詩文俊逸齊名高楊嚴震屢直以稅戶而授少叅器宇宏偉出使安

浙西卷十

湖州人物

十一

南溫祥卿潘長壽皆以人才而官于朝有好學之功聞良輔柴震皆以大理而審于獄有繫身之操上治安十疏者陳援也抄唐韻數過者楊復也凌晏如以楷書而授黃門所奏侃侃有理張翼以進士而授僉憲所至赫赫有聲天順以後人才間見不絕吾未可以悉數之也

### 嚴州府人物

田錫之論嚴州也曰當甌歙之衝范仲淹之論嚴州也曰合衢歙之水錢勰謂之據浙上游晦翁謂之山川宏偉其風土亦奇矣以其郡名言之漢曰嚴陵吳曰新都而嚴州之名始于唐也說者謂是郡民和物阜民貧性嗇然彬彬文學之士輝映於先後云請具陳之漢有方儲清孟氏易而世傳其仙去不可言也吳有東軍討餘亢

侯而世傳其仙術不可知也晉有夏孝先負土成墳而  
于道爲不匱梁有周文育窺敵制勝而將才爲有餘至  
於漢之嚴光自會稽而耕富春桐江一絲不足以助東  
京風俗之美乎宋之戴顓自譙郡而居剡縣通選十篇  
不足以擴列聖經書之旨乎若夫方儕方儼俱以學行  
著戴逵戴勃並以高誼聞以唐人言之方干隱居釣臺  
而有詩集全立廟於桐廬祀之矣李頰歷官刺史而有  
詩傳今立廟於梨山祠之矣吳少微與富嘉謨同官辭  
本經義成文體一變之功皇甫湜與李翱齊名才能不  
羈與文體三變之列陳京尙起獲旌其門非以親喪廬  
墓耶祝希進戴元益獲旌其門非以和氣致祥耶施肩  
吾舉進士而岳隱身則其識趣可知矣俞鳧舉進士而

詩文合律則其問學可想矣逮至于宋邵煥賦春雨之  
詩頃刻立就何慧也胡嘉言論和議之非切直不避何  
剛也極論時政江公望也不足以全司諫之節乎惟論  
大計王縉也不足以得諫臣之體乎方臘之亂詹良臣  
死之君臣之義篤矣徐亨死之兄弟之義厚矣金人之  
亂劉晏死之官四子於宣和矣徐梅龜死之官一子於  
嘉熙矣陸時雍分膳供母養生竭其力焉方愨父死廬  
墓送死盡其禮焉方閻方閻皆方閔之兄弟也而閔之  
在太學有兩浙三方天下無雙之號汪洋張莘祥皆喻  
樵之女婿也而樵之登進士有四書解玉泉錄之書著  
孝經解易外傳者方逢辰也且其舉進士第一而樵臣  
氣凌隱身不出豈非鴻臚鳳舉告浩然全士夫之氣節

平著易衍中庸等書者何夢桂也且其舉進士第三而  
宋室滅三隱身不仕豈非龍蟠虎伏凜凜然植萬古之  
綱常乎復齋先生曰趙彥肅所著有易說非徒識其辭  
占也融堂先生曰錢時所著有尚書衍義非徒曉其章  
句也以天子之命官撻宰相之奴僕胡朝穎之判嘉興  
也剛心勁節使懦者立矣守官數十年而無室舉家三  
百指而無田洪璞之仕鎮東也清風雅操使頑者廉矣  
張拭守其郡呂祖謙教其庠時則有詹儀之也而學行  
起人膾炙焉張斌銘其墓文公書其蓋時則有詹至也  
而忠義襲人襟裾焉葉義問視師淮上而高宗書義問  
到處如朕親行八字以賜之非徒賜之蓋有才可推轂  
以遣也方有開著屯田詳議而朱文公書萬溪書堂以

浙法真卷一

嚴州人物

十三

號之非徒號之蓋有學可歛衽以敬也馬大同以謀畧  
而官戶部吾知生財有道矣黃蛻以文學而官大理吾  
知決獄無冤矣執法平允則有鄭穎號志齋歷官州郡  
則有邵應豹號菊逸人物清修則若汪自強詩文簡古  
則若方仲謀至於上彈文而激烈不肯阿意於權門靚  
黍離而潛逸不屑比面乎異姓此則豐稷之為人也以  
元言之余丙救父棺而遇暴雨之助有克享天心之誠  
徐舫荷簑笠而味耕雲之趣有若將終身之計著春秋  
集說者方道賢也著山居四要者汪汝懋也至於有魯  
淵者著策府樞要古今之事變畢陳撰春秋節傳褒貶  
之旨意殆盡至於我

明爵開參藩政其於淳之風羅觀總臬政守清真之志

徐誼知鎮江有明者歟人莫能欺陳禮任牙綉有激有揚才莫能過聞質在工部以賢能見許於仕曹洪輿在吏部以公廉見稱於僚寀天順以後人才幕布不絕吾未得而殫數之也

### 金華府人物

金星與婺女爭華此是郡之所以名也名山以金華為最此是郡之所以盛也以其形勝考之其山有鐵巖石樓之秀拔赤石青臺之崢嶸其水有梅溪松溪之映帶銅川繡川之吞吐權德輿所謂山水之佳地而馮伉所謂江南之劇郡也故論風俗者曰君子尚禮人性敏慧然則風聲氣習豈不駸駸然隆古之盛哉請具陳之漢之時有顏烏負土成墳群烏嚙土而立義烏之號有駱

浙法算十

嚴州人物

十四

俊厲武保御濟養百姓而卻袁術之兵楊喬有才貌而桓帝欲妻以公主不食而死其節義足以充塞宇宙矣楊璇舉孝廉而靈帝拜為零陵守賊不敢犯其謀畧足以折衝樽俎矣三國之時留贊誅吳栢深有將帥之才斯敦救斯備篤於父子之義逮至于晉朱泚守臨海而有政声不愧朱雲之後也許孜舉孝廉而不應詔不愧孝順之里也以南北朝言之朱幼婁幼瑜皆齊人也然幼則刺楊州有功而有人安盜賊空之誣幼瑜則屢徵辟不應而有摺拾遺記之撰龔孟舒鄭灼皆梁人也然孟舒則明毛詩而堪師傅之位灼則明三禮而勤講授之業逮至于唐厲文才刺道州臨郡期月盜賊悉平其才畧可取矣而乃孫乾曜有祖風烈舒元與惠中丞

按劾無縱壯冊賦詩其才智可稱矣而乃弟元肱有兄  
矩度張志和親亡不仕自號玄真李德裕稱之曰隱而  
有名顯而無事不窮不達嚴光之比非空言矣滕珣給  
券還鄉不恋榮勢白居易送之曰身着錦衣兒戲繡東  
陽門外數滕家非虛譽矣馮子華親沒廬墓陳太竭終  
身衰麻均之為孝行之子也馮宿有惠政於東川楊扶  
有奇政於交州均之循良之吏也駱賓王七歲賦詩而  
名馳海宇故曰盧駱曰四傑至今並籍口實而有文集  
可考焉馮定與兄回第而名播戎夷其曰馮審曰馮寬  
當時並擢科第而有文學可推焉至於令諸暨而賊變  
其橫令重泉而民悅其化非張敦乎以五代言之有劉  
昭禹者撰詩三百篇句向夜深得何精思也心從天外

浙江卷一

金華人物

七五

歸何汪洋也逮至于宋胡則典七州更六路節而民蒙  
其政績王寔四登朝列七剖州符而功著于邊防治邊  
凜然威行西北滕甫也而謚之為章敏信乎其章敏也  
起兵勤王留守東京宗澤也而謚之為忠簡信乎其忠  
簡也王師心敷歷中外咸著能績而弟師愈德望隱然  
此之謂真兄弟也胡巖起卓行危論蕩平賴賊而子居  
仁政事絕人此之謂真父子也賈庭佐劾王倫鄭剛中  
忤秦檜而有北山集者則剛中也徐端益拒張邦昌應  
孟明拒韓侂胄而有易文資者則端益也謚文肅者徐  
邦憲舉進士第一而上疏論權姦謚文毅者陳亮舉進  
士第一而上書論恢復陳天隱事毋至孝而以孝弟睦  
歸任血忠和八字旌其明則大觀之時也徐文震救世

同巽而以金華孝友之家六字署其門則德祐之時也  
喻良能著諸經講義邵困著讀易管見應鋪著禮記纂  
義喬行簡著周禮總說此其才皆長于經徐次鐸作唐  
書補注王象之作輿地紀勝章如愚作山堂考索何淡  
作通鑑手抄此其才皆優于史呂祖謙號東萊先生其  
著大事記固有以接道統之傳矣而其弟祖儉祖泰皆  
上疏論姦臣而不辭乎貶謫此不但一門之光而實萬  
世之光矣馬之純號茂陵先生其學成行尊固足以廣  
從游之教矣而厥孫光祖潤祖揚祖皆文學登進士而  
有榮於奕葉此不但一家之瑞而實一代之瑞矣梅執  
禮死於靖康李誠之死於嘉定項德之死於宣和此其  
守死善道皆足以立吾儒之赤幟徐僑學於朱熹戚如

浙省卷十

金華人物

六二

琥學於東萊何基學於黃幹此其篤信好學皆足以望  
吾道之高門許直可許中許彥三世三進士吾所取者  
以其操履皆有合乎範圍也唐堯封唐仲友唐仲義唐  
仲溫兩世四進士吾所慕者以其文學皆有聲於翰墨  
也稱香溪先生者范浚以心作箴理學不為之精暢乎  
號冲素處士者鄭綺以身代父執道不為之懇到乎歐  
陽為之序者徐無黨也而五代史注考訂無差有史學  
矣黃潛為之跋者張潤之也而長山十詠鋪叙如描有  
詩才矣剛毅不阿則若潘良貴為舍人也不曰賣直矣  
彈劾不避則若王萬之為御史也不曰沽名矣李大同  
為右正言而陳弭災之策喬夢符為大理正而慎鞠獄  
之政善水利者錢適也而也于水可解者

葉衡也而他藝亦有可嘉者樓炤為相而有襄靖之謚  
後世亦信其襄靖焉王淮為相而有文定之謚後世亦  
信其文定焉范鍾與杜範李宗勉齊名皆為宰相者也  
雖無掀揭之勳而伴食之相當退舍而避也金景文與  
陳天隱董少舒齊名皆為縣令者也雖無卓異之名而  
循吏之傳可半席而坐也號管齋者王柏求道之勇豈  
口耳之習哉勤教授者汪淳學問之勵豈辭章之務哉  
厲注篤于教子而子模封開國侯足以慰過庭之訓矣  
王介善於教子而子埜封吳郡侯足以紹箕裘之傳矣  
作王氏叙傳者非王煥之乎作奏議雜著者非馬王仲  
平葛洪剛勁有為而能不負其志雜著二十四卷誦之  
者猶足以想見其挺然之操陳骸恬靜有守而能不改

折簞卷

金華人物

十一

其樂文集二十卷誦之者猶足以追思其淡然之心曹  
冠上論恢復而決意於致仕何俛俛然正色哉陳良祐  
力止開邊而甘心於貶秩何凜凜然勁氣哉以元言之  
金履祥號仁山講貫精篤而有通鑑前編焉蓋履祥之  
學實得之於王柏也許謙號白雲素志冲澹而有四書  
叢說焉蓋謙之學實得之於履祥也柳貫撰字系與虞  
集黃潛揭傒斯齊名號之四傑誠不為過胡長孺撰瓦  
缶編而與胡之綱胡之純齊名號之三胡良不為虛劉  
應龜辭馬驥之婚何風采之嚴疑也吳直方贊脫脫之  
議何謨畫之老成也著戰國策校註者吳師道也續後  
漢書者張樞也黃潛之為文如澄湖不波一碧萬頃贈

之工夏歌公當其才矣如大和之台家口公府稟然二



代遺風謂之東浙第一家稱其情矣吳萊該貫古今而  
謚為淵穎後世孰不信其有淵穎之實聞人夢吉深究  
理義而謚疑熙當時孰不服其有疑熙之迹少從許謙  
者朱震亨也而清修苦節有局方發揮等書實醫家之  
矜式焉少從黃潛者戴良也而英偉秀發有者和陶詩  
等書實詩家之隼紳焉逮至我

朝學士宋濂替帝馱於開國之初巍然相業夷夏皆知  
矣及觀其潛溪等集筆力雄麗吾謂蘇了瞻後一人也  
待制王禕執使節於南夷之地浩然義氣日月可貫矣  
及觀其華川等集志氣豪邁吾謂文天祥後一人也胡  
翰蘇伯衡咸以文學重士林而擢清要之地鄭濂鄭沂  
岷孝行謁門閭而授貴顯之階劉辰居侍御之垣正色  
蹇諤而作和者不敢長其奸邵玘總內臺之憲遇事善  
斷而舞文者不敢售其計傅藻傳通經史而見用於憲  
臣戴原禮精通醫術而受知於潛邸至於王紳遠求遺  
骸號慟幾絕則其孝乃精孝也詩文冲澹有陶韋氣則  
其學乃實學也天順以後人才林立未得而悉數之也

人才之盛國家之所由以立也山水之勝人才之所由以出也蓋衢州之地周爲姑茂之墟秦爲太末之壤而衢州之名始于唐也以其形勝言之其山遂以麗其水清以馭閩廣輻輳川陸要會昔人謂信安得山水之勝而三衢又信安之絕境是也生是土者其名輕死易發其俗悍以果其君子耿耿好氣而敏於事然則以人才鳴世者豈不垂芳於汗青耶請具陳之龍丘長生於西漢高節不辱而任延爲之屢徵徐陵生於東漢吏才不

浙籍卷二

衢州人物

二

凡而虞翻爲之友善西晉有毛瓊作郡有聲自其祖父三葉俱擁節麾矣南齊有徐伯玠屢辟不就自其兄弟四人呼爲四皓矣陳有鄭灼當夷教縱橫之日而勵志儒學唐有徐安貞當科目寂寥之地而三舉及第至於祝尚丘中制科必其學洽於古今也徐珏中童子科必其才長於辭賦也逮至于宋趙抃琴鶴自隨而與王安石不合何清介耶其子吼爲御史而每陳時務則能承乃考之志矣王介以制科自奮而於王安石有諷何忠真耶其子渙之爲知府而每存謙抑則能繼乃父之美矣慎知禮慎從吉父子也一爲鴻臚一爲光祿其才行皆卓異者程天民程宿兄弟也一爲進士一爲狀元其學力皆宏富者周沂程軒冕而道亦爲之終始其高

之清也毛維瞻樂山林而蘇轍爲之倡和與其潛德之光也毛滂著東堂集而著詩文世譜者毛漸也江少虞著宋朝類苑而著宋朝職畧者鄒補之也毛晃注禮部韻其訓詁要而明程俱撰北山集其鋪叙豐而贈呂防涉儼典章爲龍游發舉之始劉正夫辨明冤獄馳西安四俊之名受業楊時者徐存而作五經講義蓋亦有所討論者且侍席之士至千餘人凜凜乎師道之益尊矣疏論史嵩之者徐霖而作太極圖說蓋其所獨得者且及門之徒至三千人煌煌乎儒教之聿昭矣劉章余端禮皆少警異也然端禮爲相守法度不若章魁大廷而論秦檜也鄭仲熊毛注皆性鯁直也然仲熊爲相務恬退不若注因星變而斥蔡京也馬天驥陳五規之奏追

浙江復卷二

衢州人物

二

美於温公何新之作萬選之詩著功於杜甫方臘之亂毛卓不降而死可謂奇男子也其妻錢氏同被雍容之害以婦人而若此非刑家有道而致是哉元兵之臨徐應鑣不屈而死可謂丈夫也其女元娘同爲雲樓之焚以女子而若此非教子有方而致是哉欽宗北狩而徐揆詣營責虜酋染血於芒刃此義膽昂昂與風霜俱厲高宗南渡而徐微言結豪取太原竟塗膏於草野此英灵耿耿與雲漢同明至於忤王黼之意貶亳州之官又馮熙載然也以先言之鄭介夫著韻海及太平策汪文璟著居朝及明農稿至於張宗元高古博雅汪林歲歎貧貧漁員隱居著書皆磊落果敢之士而爲余表薦之人也逮至我

朝徐恢任司徒妙於才識金寔蒞春坊工於詩歌何初  
與修書傳會選而有人才益振之譽吾紳登永樂進士  
而有政事絕人之名天順以後人才前後相望吾未暇  
論也

### 處州府人物

東接霞城西邇姑蔑此處州封域之制也漢爲東甌唐  
爲縉雲此處州沿革之名也盖湍沅險阻群峯倚天地  
若僻矣然斗星分野之界以朴素爲尚以儒業自娛盖  
亦鄉之善也居是邦者有窮有達咸以德業自淬礪而  
勉強爲名教中人以今觀昔如按圖索驥而纖离綠緝  
燦然盈目矣豈不有類於中州哉請具陳之唐以前人  
物不可考矣宋之時周啓明廣於教而陳堯佐表賜粟

澤州卷二

澤州人物

三

帛所撰詩賦之文春容乎大篇吳戴甘於邈而孫沔表  
爲學官所賜冲和之謚懋昭乎美德管師復自號卧雲  
其詩曰滿塢白雲耕不盡一潭明月釣無痕可謂能寫  
逸士之情王信自號是齋其言曰金人必衰之兆有四  
在我當備之策有二可謂曲盡兵家之狀何琬舉進士  
而神宗稱之曰政事何琬斯言也榮於華衮矣鄭汝諧  
知信州而孝宗稱之曰威而能惠斯言也頌於綸綍矣  
李由臯以童子試春秋戴夢齡以總角賦楚歌此皆懷  
穎悟絕倫之質者也至於大歲廬墓有鼠啣花之異七  
歲廬墓有鵲來巢之祥又趙文澤與楊富老也此又非  
幼冲之傑出者耶祝公明率官軍援太原姜綬應勇士

營營書此皆負忠勇過人之名者也至於史金不屈而

有節不可奪之語說賊不降而有死不足辭之義又安國與章雲就也非此豪傑之寬拔者耶累官提點者葛源然自爲雍丘令有剛氣而廷論黜之矣累官侍郎者胡份皆爲國子司業學行可取法也而深於該博爲宗正丞者有敦頤爲之孫焉周綰蔣存誠皆爲國子祭酒生徒有造就也而工於奏議爲右正言者有繼周爲之子焉何執中之孝形於撫棺滅火之時而子志同之擢高第有自來也管師仁之才驗於調度兵計之日而兄師復之負盛名有相類也詹又葉濤皆以文學聞與鮑慎由之詩文高妙著杜詩之註何異也胡絃葉夢得均以文學著與陳汝錫之天性穎悟作鸚鵡溪之文何殊也

詹度論郭藥師之難任官雖貶而其言驗矣項安世論重華宮之當朝官雖罷而其辭壯矣欲喜以鄉民禦賊之侮此之謂善解其紛李洞以官軍復父之仇此之謂善藏其用季陵負九廟神主忠臣之舉動其慮深於廟堂田渭論五等差役仁人之計謀其利普於黔庶輯朱子語錄者葉賀孫傳正學於將晦作綱目發明者尹起莘擴先賢所未發以元言之鄭昉孫著述自娛法象通贊多所講究陳繹曾精敏異常諸經註疏多能成誦鄭陶孫於宋亡之年纂述不忍忠之似也祝公榮於毋極之火悲哭自滅孝之誠也逮至我

朝劉基爲學士而數獻秘謀直有爲之才也章溢爲副使而宗章閻郡真不易得之士也胡采有包駕之力不

幸而遇害追封縉雲伯足以慰忠魂於九泉吾知甘  
猶存矣葉琛有平寇之功不幸而遇害追封南陽侯足  
以垂休光於千載吾知其死猶生矣至於王景始有雲  
南之謫終有學士之遷蓋其學亦有可用者矣天順以  
後人才與氣運俱新吾未暇殫述其事也

### 紹興府人物

大禹曰會稽少康曰於越此是郡名號之異也千巖之  
競秀萬壑之爭流此是郡形勝之奇也蓋以其疆域言  
之鑑水環其前卧龍擁其後稽山出其東秦望直其南  
要之誠浙東之勝處甲於諸郡者矣昔人謂居是邦者  
有敏柔之性有好學之志以今觀之作於古者有惘然  
難捨之迹生於後者有紛然相繼之多正猶琳琅雜陳

浙東卷二

處州人物

五

使人目眩氣奪也嗚呼盛哉請具陳之漢之時鄭吉破  
車師而有安遠侯之封朱雋平黃巾而有西鄉侯之拜  
此其謀畧之狀皆足以爲國藩屏也黃昌爲郡太守決  
積年之訟孟嘗爲郡功申辦孝婦之冤此其才識之明  
皆足以爲國保釐也王充師事班彪而著論衡等書何  
其辭豔而麗趙曄師事杜撫而著吳越春秋何其事詳  
而瞻嚴光披羊裘立羽儀之節一代風俗助之而有成  
鍾離意欲珠璣追素絲之風一時公卿聞之而知愧舉  
孝廉而有車幡畫鹿之兆則有若鄭弘受五經而有破  
賊斬首之功則有如魏朗以三國言之震翻治易美於  
江南之竹箭吳範善曆決於江南之亥子年二十爲烏  
程相者略說而官至建忠將軍年十四躬自負土者

方而官至仁義都尉賀齊誅惡養善而領徐州牧鍾離  
牧懇曰種稻而遷中書令至於賀邵仕昏暴之朝其節  
不可移其愚不可及矣以晉言之嵇康素有風儀與竹  
林七賢之游丁潭雅有時望列會稽三康之號賀循拜  
太常定宗廟之制虞駢拜光祿兼才望之名虞預虞喜  
以兄弟長於文章孔愉孔坦以父子優於政事謝安來  
自陽夏有公輔之器矣至於其弟謝石謝萬之獻忠謀  
其子謝韶謝玄之著奇策真不愧封胡羯妹號也王羲  
之來自臨沂爲善書之最矣至於玄之疑之咸有所長  
徽之猷之各有所好真不愧會稽內史之後也以南北  
朝言之孔靖仕宋而平關洛王琳仕梁而平侯景賈愨  
撫母之棺孝行淳篤孔覲責弟之義志操清純謝方明

浙江省卷五

紹州人物

六

除比伍之坐劉穆之曰可謂名家駒其子惠連十歲能  
屬文又足奇矣謝超宗作淑儀之誅武帝曰殊有鳳毛  
其祖靈運江左文第一有自來矣虞愿尚清廡郤中送  
蚰蛇以爲藥贍何介也孔珪好吟咏草中有蛙鳴以當  
鼓吹何樂也孔琇之與曾孫奐皆爲太守而清白自勵  
若合符節賀瑒與三子革季皆說經義而學術可觀足  
紹箕裘虞荔通五經而爲學士矣其弟寄以賦頌顯故  
武帝有二陸之比賀德基通禮學而爲尚書矣其弟德  
仁以文辭稱故時人有八荀之擬至於晝決詞訟夜覽  
墳籍又孔休源也若夫生於隋者虞綽工於草隸而陳  
傳驛謂虞郎才無以尚仕於唐者虞世南工於書翰而

太宗謂世南有五絕一告思羅道於水中而置上水一

石優游於風月之吟弄賀知章號四明狂客而賜鏡湖  
一曲從容於山水之道遙康子元受知於張說而封禪  
之儀爲之裁定徐浩受知於肅宗而詔令之文爲之撰  
次五代之時鮑君福之勇智據布於事錢鏐之時吳程  
之忠烈發洩於事文穆之日逮至于宋杜衍爲叅知政  
事而封還內降有浴日之功孫沔爲樞密副使而請  
冊命有回天之力顧臨通經學而歷三部侍郎其流  
也有爲黃汝楫贖生女而致五子登第其積累也有  
齊廓齊唐兄弟也廟之奉法固善矣而唐之著學始  
英造詣尤爲宏奧也陸佃陸游父子也將之守正固善  
矣而佃之著春秋後傳講貫尤爲精到也石公弼劾蔡  
京之奸石公揆劾秦檜之奸直氣諤諤廷中之所畏聞

浙东名卷上

紹州人物

七

也王佐舉紹興進士第一詹駉舉淳熙進士第一奎星  
朗朗海內之所具瞻也陳橐知台州而循吏之迹垂芳  
青史陳過庭使金營而効死之節仰貫白日蔡定赴河  
以得全其父楊次山避權以貽慶其子劉漢弼上論弭  
災之道有補於君心孫子秀奏立家廟之制有功於儒  
術李光瓊州之謫直道事人也安往而辭三黜唐震饒  
州之死成仁取義也何憚而偷一生著繁溪宏辭者李  
孟傳著群經感發者俞宗亨著學庸輯畧者石塾著史  
通諸集者黃度以元言之韓性博綜群籍而作音釋辨  
疑觀之者足以開其惑楊維禎工妙詞賦而著鐵崖文  
集讀之者足以長其識得藥以愈其母陸思孝也代死  
以全其父石求壽也石明三之孝勇與戴石司其堅正



良之廉能與水王同其潔遠至我

朝劉履長於詩而著風雅翼胡粹中長於春秋而著元史舉要黃珏絕意仕進而翫邵子經世錢宰刻意古調而擬漢魏諸詩趙謙王六書王儼通三經趙倅佐國子適健之文燦然以肆五銚提學政方正之操屹然以植呂升按江西持憲徠於群邪用事之日章敞官刑部辨冤獄於群疑不決之秋唐肅侍翰林號丹崖博學善辭翰而姑蘇二人與之姬美謝肅僉憲政號蜜菴博學善文辭而會稽兩肅爲之騰聲天順以後人才雲集霧滂吾未暇論也

### 寧波府人物

王安石之論明州也曰淳龐之俗王應麟之贊明州也

浙江真卷十

輿地人物

八

曰詩書之鄉以其疆域考之夏謂之越地吳謂之曩羸

秦置鄞鄭之名炎漢屬會稽之郡唐號明州宋陞節度

紹熙謂之慶元而國初謂之寧波也其地則俯臨淳滌

高枕群山大江帶其東北太湖漫其西南蛟門屹立自

天設險虎蹲雄據阻海爲關是誠東南大都會也故夫

端人正士鍾山川之秀而爭以德業自奮凡鄉評之所

品藻野史之所昭垂炳炳明明如衆星羅列有目者所

快覩也豈非人才之淵藪後學之模範哉請具陳之越

有三仁而文種與焉雖伏厲鏃之劍而一念精誠與越

水同流矣秦有四皓而夏黃公與焉雖作儲貳之客而

一點清廉與商山並高矣漢之時任奕立言燦盛燁若

春葩之榮觀任子卷尾以知之矣董賈後九宗母

若鐵石之堅宜異行一旌有以彰之矣至於葉中書隱  
靈山者張齊方也若夫仕吳而爲舍人者闕澤以博洽  
之才播厥聲仕唐而號狂客者賀知章以清修之節持  
厥志張無擇爲刺史廬墓三年足以感乎天孫邨爲拾  
遺下世二論足以範乎人此又唐之人也五代之時黃  
晟保護鄉井於兵彘炎之秋而江東儒彥多爲倚賴林昇  
手抄圖書於亂離之中而吳越政務多爲匡正逮至於  
宋沈起以父疾兼官而仁宗稱之曰觀過知仁王致以  
道義化人而荊公稱之曰立言垂世俞充爲都水丞而  
沿汴於泥旣田八萬頃足以蘇一方矣樓异知本州而  
墾廣德湖溉田七百頃足以徧百姓矣號大隱者楊適  
辭仁宗之笏有高士襟懷謚文介者陳禾碎徽宗之衣

有許臣風烈周邱厚力拒新法而二子曰鐸曰銖皆頭  
融乎黃甲史浩薦引人才而二子曰彌遠曰彌大咸隆  
赫於青槐陳之翰受墜水之給而數年之後爲之償金  
袁昇贈鬻妾之費而五旬之老爲之弄璋樓郁杜醇一  
爲郡學師一爲縣學師皆足以端風化之源舒璘沈煥  
一從陸九淵學一從陸九齡學皆足以擴聖賢之緒高  
文虎多識典故矣其父高閏著春秋集傳有作之於前  
汪思溫賑給鄉里矣其子大猷著脩忘訓鑒有述之於  
後號玫瑰主人者樓鑰號四勿居士者蔣峴若夫憂國  
柄之危而論鞞侂胄者鑰也其視犬吠庄村者何天淵  
哉稱鐵面少府者楊玉休稱文潔先生者黃震若夫念  
道克之絕而宗朱晦翁者震也其視樂爲學者何

哉豐稷議論正大遇覆舟而不之懼清敏之謚名實相符楊慶孝行堅確至割股以為之進崇孝之名遐邇相播殿中御史曰王廷秀與楊時游而論黃潛善之罪慈湖先生曰楊簡與陸九淵游而伸趙汝愚之寃袁韶袁燮皆登淳熙榜韶之使金不辱國矣而燮之學有師承每言天人一本且三子皆登第又何厥後之昌也劉厚南史彌鞏皆登嘉定榜厚南之對策不阿國矣而彌鞏之治有經綸存活飢民萬口且五子皆登第又何厥才之聚也樓昉從呂東萊之學號迂齋而著崇古文訣足以立文章之楷模矣袁甫從楊簡之學登狀元而著孝經孟子解足以發聖賢之意味矣應傑草麻長於儷偶而一夕成五制何敏也陳埴為文善於洞達而填刻數

聖道卷上

靈波物

十一

千言何捷也王應麟九歲通六經而有玉海等書如舍公藥籠百物森羅戴表元七歲能屬文而有剡源集如智將帥兵紀律自合鄭覃有死朗州之節而鄭清之居相位善於汲引乃覃之孫也余天錫有立理宗之功而余天任為尚書篤於友愛云天錫之弟也著韻類百卷袁軼也著書林外葦袁鏞趙善湘著周易約說三傳通議何討論之粹耶趙敦臨著三禮發微春秋正宗何考究之真耶林保知興國而安貧著書翼翼墻之有見孫夢觀知建寧而重名守節惟繩墨之是由范楷在經筵知無不言肯仗馬耶陳學論國事言無不盡敢頌龜耶侍工部者張處議論有與與州郡者桂萬榮巡歷惟

公且萬榮著蒙陰公比事淵學問於筆下宜備以定

策之功遷觀文殿陳居仁以循良之政擢華文閣且居仁有奏議制禁正直之忠溢於言表至於敷歷清階不知富貴之味董陶多士充成俊彥之名又非趙逢龍之爲人乎以元言之臧亥解著周官考及座右四銘而號魯山袁桐著春秋說及清容居士集而謚文清程端禮著讀書日程其學宗於朱元晦程端學著春秋辨疑其學本於胡安國至於俞述祖為沔陽推官抗斬黃劇賊雖為所執而志操益堅有三軍不可奪之志雖為所戕而精爽如在有不可泯之鬼以我

朝言之桂彥良召作香几贊而官太子正字觀其清節等集庶幾價重於雞林鄭真試浙闈首選而號榮陽外史觀集傳集說迄今校傳於鳳苑鄭本忠號安分生教

授秦府懷漆室之憂鍾勛以明經舉教授郡庠廣樸棫之化於洪範則有敷言於大學則有補畧傳淳也故鄉人稱之曰退密先生為御史則劾尚書為按察則劾布政陶鑄也故鄉民之詩曰陶使再來天有眼金忠為大司馬有卓然靖難之勳陳敬宗為大司成有肅然端整之度主戶部事者張海以才能稱於仕曹主刑部事者張得中以廉能著於郡邑至於待詔陳遠一書盡耳然洪武間召寫御容而意度宛然為儒之態不可以小道輕之也袁珙一相術耳然永樂間召相潛邸而忠徹亦繼乃父之美不可以一藝索之也天順以後人才如川湧雲飛未可枚舉之也

孫綽之賦台州也曰窮山海環富盡人神壯麗陳襄之  
詠台州也曰闡閭賙禮遜因圖長捺燕以今考之是耶  
地界楊州星分牛女秦屬閩中之郡漢屬東甌之邦梁  
曰赤城陳曰道安而台州之名昉於唐也迹其由崖  
絕如劔戟間關川海帶環若龍蛇起伏其爲地亦傑矣  
說者謂其人樸靜其俗儉約吾嘗稽之古訂之今或德  
行文學之偏長或政事功烈之兼備上足以光國家下  
足以範風俗後先相望如春氣勃勃而乃彙爭榮也何  
文風之盛至此哉請具陳之漢以前人物不可考矣吳  
有屈旻當暴君虎噬之秋逆耳忠言譎然迭進不避刀  
鋸之誅故吳皓有下緒東陽侯弟恭爲都尉之封焉唐  
有項斯當文士鴉鳴之日矢口詩章秩然有序不事斧

浙派卷五

台州人物

十一

鑿之巧故楊敬之有平生不解藏人善到處逢人說項  
斯之句焉逮至於宋爲人子則有郭琮祈毋之壽柱誼  
造親之墳皆能盡乎孝也爲人臣則有江仲明死於東  
城蔣煜死於方臘咸能竭乎忠也王卿月直學士院多  
藝能故其草胡銓制曰吾寧身蹈東海獨仲連不肯帝  
秦至今名重太山微相如何以疆趙此其高古之辭不  
但儷偶之體也吳芾守六郡多異政故其目箴曰視官  
物當如已物視公事當如私事與其得罪於百姓吾寧  
得罪於上官此其英邁之氣不但章句之儒也楊蟠與  
蘇軾游而著詩文數千篇有名士之大筆矣且其官二  
州有聲文何循良耶徐中行從胡瑗學而蔡貞十餘卷有庇民之大德

夫止此數人行不施又行青投取皆自易說亦成集者

適而有知五縣之政精采雲揚如劍出匣著近思錄補  
注者戴亨而有母自欺之名文勢圓渾如珠走盤陳公  
輔議論端方固矣而有子夷行繼之治行高潔宛然家  
法之允蹈賈偉効秦姦邪固矣而有子涉承之文勢鏗  
鏘蔚然有用之才華之趙與鼎以宋裔進不啻殺人書  
雖切於救身而實足以括君人之道也陳孚以一布衣  
猷大一統賦雖近於阿世而足見其縱逸之才也黃超  
然著周易通義而蒙 康敏之謚周潤祖著紫巖集而來  
隱逸之徵周仁榮著易象占尚書補遺春秋類例乃其  
所獨覺者不但得之王栢也孟夢恂著性理本旨四書  
辨疑漢唐會要乃其所深造者不徒得之於楊珏也黃  
宏博覽群經而落魄者幾三十年然谷城集雄乎其氣

浙江卷上

倉川人物

十三

也翁森隱君教授而負笈者八百餘人且一瓢集炳乎  
其采也至於舒岳祥蘊淵源之學成剡源之賢旣成已  
又成物矣以我

朝言之楊大中以該博擅名而留侍內閣不過數月如  
鷹隼飛漢冲然高舉魯穆以剛直立功而敷歷中外幾  
三十年如虎豹在山隱然增重戚存心賀銀皆爲亞卿  
而有才行爲時所推王寧盧信皆爲部屬而有才猷爲  
上所倚趙李通自教官而擢趙府長史隨事箴規挺然  
藩臣之冠徐善述自教官而擢春坊贊善陳善啓沃屹  
然經筵之最至於李茂弘詩尚清澹而勤於吟哦有飄  
逸之才步驟不凡矣志尚淡薄而蚤於恬退有肥遯之

節風塵不染矣天眞公後人才如鴉鵲成祥吾未及也

温州府人物

浙東極處此趙岷壁温州之記也質哲相踵此張允成温州之贊也蓋是邦之地東界鉅海西際重山城當斗口州處最東實永陸沃壤東南都會也以其沿革考之漢曰東甌晉曰永嘉而唐謂之東嘉也尋以其地温燠而有温州之名焉人生其間雖喜競度尚歌舞然說者謂道德之鄉風流尚存今仰止先賢而屈指數之以文學功業自崢嶸者正猶春蘭秋菊前堂與後榭相輝也豈不足使人擊節而嘆賞者乎請具陳之漢以前人物不可考矣晉之時有張文君者隱州霞山之間有巢父雅操拒王羲之之見有壯柳高風逮至于宋以孝行自持

浙東實卷上

温州人物

十四

而五世同居者則有若陳儼以喪禮自執而闔族同居者則有若錢文卿伊洛未作斯道如中夜晦冥也王景山獨能發明經蘊而廓然有抽關之力新經方行斯道為茅芴汨亂也林石獨能教授春秋而崛然有秉麾之操周行已劉安節劉安上戴述許景衡皆學於程伊川也其學術之純正有如游虞庭而聞咸英之響也吳表臣林季仲張閻薛徽言陳鵬飛皆忤於秦檜者也其志氣之謹嚴有如遇歲寒而植松栢之節也宋之才學於楊時而有雲海弊帚數卷閱於中而肆於外也葉味道學於朱熹而有大學講義一帙探其流而溯其源也蔣元中學術脩飾與八人齊名於太學劉鎮兪弟顯榮有三劉並稱於四海太原之圃黃友以直微狀不肯登載

此其忠用烈烈足以作宋長城靖康之變賈如規以木  
學生不肯出門此其英聲沈沈足以一重趙九鼎陳桶  
號無相居士寬洪醞藉而三子一孫皆以辭學擢第裕  
後之遠固至此哉陳埴號替室先生著述弘富而一兄  
一弟皆以文學登第華國之衆固至此哉王十朋舉紹  
興進士第一本待問舉隆興進士第一徐儼夫舉淳祐進  
士第一奎璧呈梓科名焜耀如此也今考忤丁大全者  
儼夫也十朋梅溪之集淵深奧妙如江漢之泉隨地常  
流且其憤湯恩退之奸正色排之此豈趨附炎熱者可  
同日語耶徐儼舉紹興省試第一朱熹舉端平武舉第  
一侯畠舉寶祐轉運司第一山川結秀文運轉新如此  
也今考絕秦檜者徐履也畠著霜崖之集富麗渾灑如

浙卷卷十一

嘉州人物

十五

金谷之花自天設巧且其遭松壽之難甘心死之此豈  
偷生草野者可同日擬耶韓侂胄誣朱熹吾道之幾晦  
而葉適爲之辨明其易之介疾乎林栗誣朱熹吾道幾  
危矣而許及之爲之伸理其書之叙欽乎胡騎方橫薛  
弼憂之而同助李綱之議此汴京之圍由之而解也前  
星未耀蜚蜺亮寔多之而請立太祖之裔此東宮之位由  
之而定也薛良顯與賊戰遭鋒鏑之危何忠如之仰忻  
執母喪感鳥獸之祥何孝如之薛叔似陳建中之疏豈  
不以中者天下之本乎此之謂真補闕矣林畧陳虛心  
之說豈不以心者方化之原乎此之謂真劄諫矣蕭振  
造舟濟人而有蕭家渡之號蓋以德而不以惠也徐訥  
定策立君而有忠文之謚蓋以實而不以名也著周禮



說春秋後傳陳傅良也學者稱爲止齋先生矣吾鄉其  
重華之奏椽理匡直峭然剛直之形德學其兩蕪乎著  
通鑑筆義將鑑論戴溪也學者稱爲岷隱先生矣吾觀  
其經筵之諫隨事啓沃諷然惻怛之著多節其無憾乎蔡幼  
學以對策切直而寘次選有編年政要焉今味其文真  
所謂政要也繆主一以上䟽切直而遭貶秩有論學執  
範馬今讀其辭真所謂執範也陳謙著春秋解而褒貶  
之旨以闡矣湯建著詩衍義而美刺之情以彰矣周端  
朝進忠言而與六君子之流豈肯負燈窓之學耶曹幽  
秉直聲而與嘉熙四諫之列豈肯孤風雲之志耶戴慶  
珂陳宜中皆維持於胡元大擾之秋其亦生不辰矣劉  
敞徐臻皆崎嶇於中原多故之日其亦命不幸矣以元

梁集十一

温州人物

六

言之章任堯史伯疇爲學不同而均之講貫夙成能發  
四書之旨彭庭堅桂完澤爲官不同而均之名節自勵  
能著九死之忠李孝光隱居教授一鄉荷陶鎔之益周  
樂抱父同崩一家騰忠義之聲逮至我

朝孔克表精史學而官脩撰何愧聖人之後周旋工詩  
文而官春坊卒成狀元之名黃淮入內閣其學足以備  
顧問矣今觀其省愆集歸田彙遠紹旁搜翩翩無滯趙  
新典大藩其材足以任方面矣今觀其四書說約行素稿  
含英咀華渾渾無涯湯宗官大理辨賢人之寃若燭照  
而數卜黃養正官太常多碑刻之撰若趙舞而燕歌  
左參政楊景衡勤於職務而國計爲之克用左布政

文展工於書去而古禮焉之正木至於監察御史

則以方正御貪汚之吏轉司鹽課則以清勤通積滯之  
商此又非韓偓其誰歟天順以後人才累石堆沙吾未  
暇悉數之也

新編博物策會卷之十一終

浙語卷十一

温州人物

七



江西省

南昌府人物

屏石戴璟著

王勃滕王閣序曰襟三江而帶五湖控蠻荆而引甌越吾是以知是郡形勝之奇也黃庭堅道院賦曰處士有岩穴之雍容文章有山川之秀發吾是以知是郡人物之盛也蓋其地漢曰豫章隋曰洪都宋曰隆興而南昌之名始於南唐也以其疆域考之南距五嶺北奠九江楚之東境吳之西界曾子固所謂東南一大都會也人生其間雖曰勤生而畱施薄義而喜爭然通典謂其衣冠萃止頗有文物以今稽之文風大振於東南儒業有

江西省卷十二

南昌人物

一

光於今古屈指數之豈不足使人歛衽而起敬者哉請具陳之三代人物不可考矣漢之時唐檀善於天文休咎悉驗而劉祗信之馬徐稭躬於義讓隱居不出而陳蕃敬之焉以三國言之有胡勃者始有懷斧之義終有懸車之節以晉言之有熊遠者諫杜弼之伐寢王敦之謀若夫胡藩從劉裕而屢建汗馬之勞可謂之功臣矣羅企生從殷仲堪而不忘國士之遇可謂之義士矣此又晉之人物也若夫南北朝之時宋有雷次宗之好學而號招隱館梁有滕曇恭之篤孝而號滕曾子南齊中有胡諧之其識鑒可方唐舉也天鑒中有王綜其庶絜可擬楊震也唐之時楊相如上君臣政要而明皇稱之曰朕身之寶也臧嘉猷著無求論而具統名之曰真隱

之鄉也胡敬之爲侍御史而彈劾豪貴王季友爲中丞而正色引經逮至於宋胡仲容三子並進士及第而仲堯之發廩賑飢尤不可及也李秉三世並進士出身而李琮之輸財易石尤未易齊也陳恕累官鹽鐵以吏幹聞矣而其子執中人不干以私可謂能續其志也袁抗廣南提刑以廉介著矣而其子陟好學善爲詩可謂述其事也余良肱振護士夫之喪黃螢收教士夫之裔皆忠厚人也李誼以言忤秦檜徐經孫以言忤賈似道皆正直人也潘興嗣與魯鞏善而號清逸居士丁鏐與陸子靜友而號甕天先生徐禧死節新城有忠愍之謚矣其子俯拒邦昌逆不書名非世有忠臣乎徐定親喪廬墓有牡丹之祥矣其子願曾孫傳霖居喪如制非世有

汪西臺王

南昌人物

二

孝子乎范應鈴知崇仁而徐鹿卿稱其有龔遂治渤海之才對越集其所編也黃疇若知廬陵而周必大稱其有子路治浦之政竹坡集其所撰也章鑑多許可而有滿朝權之號羅必元性鯁直而有獨參湯之諫洪朋洪芻洪炎兄弟以文學稱而朋之筆力扛鼎與芻之老圃集尤精絕也黃得禮黃彥輔黃次山父子以學名而彥輔之刊落陳言與次山之三餘集尤奇妙也黃庠禮部第一博學強記名動京師范璿舍選第王書論事語忤時相李安國決兩邑之賦黃蕙除茶馬之害比皆以薄稅歛爲心也趙汝暨辨平民之冤王衡仲脫平民之罪此皆以省刑罰爲心也冷應徵繕器裕財以備襄樊之急處

事何其密也趙庶明詰闕上書以論契丹之情料事可

其孰也若漢唐文類者徐鹿卿也著漢唐龜鑑者胡  
也此其才皆長於史作尊經辨者范士衡也作復古著  
傳者孫義伯也其學皆長於經李大性官至端明李大  
異官至諫議李大理官至朝奉李大原官至朝散李大  
東官至龍圖此非難兄難弟乎裘萬頃著竹齋集劉德  
秀著退軒集黃並著留皮集何蒙著兵機集徐國和著  
通神集此非有學有才乎以元言之熊凱熊良輔師生  
也然輔著易傳集疏風雅遺音等書其造詣深矣揭來  
成揭侯斯父子也然斯之脩經世大典及宋遼金三史  
其著述富矣雷光霆註九經輯義詩義指南而有龍光  
之號趙德著四書箋義五經辨疑而有東湖之逸能復  
著春秋成紀何經學之淹貫也陰幼遇著韻府群玉何

史學之該博也湯霖池上之號得米於戛聲之頃可不  
謂之孝乎伯顏七哀詩之作雍容於飲藥之時可不謂  
之忠乎至於考古篆籀講論經義者非熊朋來乎逮至

我

朝張謙明經飭行而設教東湖書院張顯嗜經善書而  
稱爲誠齋先生包希魯遇虎而念親孝心何真切也陳  
仲賢割股以養母孝行何堅篤也朱善爲學士而文學  
清麗不於詩經解頤見之乎胡儼爲祭酒而詩文豐裕  
不於頤菴集知之乎兵部侍郎盧淵刑部侍郎丁鉉皆  
有學而有守右都御史向寶監察御史吳叔潤皆有德

而有言莫存以草書稱而歷官中外得方面之體詩宗載  
以詩律著而累官天監齋水藥之醫若夫診遠

撫字慤慤而德化大行郡守之良也呂爰正爲郎中  
謹守法而輿論莫釋部屬之冠也天順以後端人正士  
愈出愈奇吾安得而悉數之乎

饒州府人物

惟時饒郡號與區此黃唐之論也江山清絕冠吳頭此  
張綬之詩也蓋以是郡之疆域言之地居澹浦邑帶鄱  
川洪岩鬱葱叢玉森秀此楊州之域斗星之界也故夫  
廣谷大川正當吳楚之交會流風善政具存顏范之  
刑說者謂是邦人物或謂忠孝繼出或謂喜儒而倍  
鄙或謂喜事甲於江南此其詳見於王德璉彭汝礪等  
人之文以今考之正相符驗也請具陳之漢文時吳  
以女妻黥布而有番君之號雷義以茂才讓陳重而有

五經卷三

饒州人物

四

膠漆之評著五經勾沉六義引輿者陳靖也著五經通  
義吳越春秋者張遐也晉之時雷煥達象緯而張華之  
識劍煥教之也范逵舉孝廉而陶侃之知名逵薦之也  
若夫以陶侃爲父而勤恪於放達之時以陶瞻陶輿爲  
子而慷慨於顛沛之際凡此皆晉之人物也以南北朝  
言之梁有陸襄以事佛而切諫有知生死之智矣以討  
賊而封侯有狗國家之忠矣唐之時吉中孚以能詩而  
與大曆十才子之列陳饒奴不分弟妹而來孝友黨子  
之名李儼請誅彘道茂崇正而闢邪也張鵬能敗吐蕃  
運籌而決勝也若夫雍廣拒黃巢而官至崇階董全積  
敵浙賊而身自引決唐之人物又如此也逮至於宋馬  
遵論罷梁適何其剛能彥詩力拒張邦昌何其勁德本

爲司農寺卿天子稱之曰不傷財不病民而文集議可  
考也程節爲廣西運使交趾稱之曰使老成撫邊鄙而  
竹溪集可觀也張綬論蔡京以爲大錢不可用洪彥昇  
論蔡京以爲朋姦不可使彭汝礪首陳十事而著易義  
詩義則舉進士第一無愧矣王剛中制置四川而著易  
說通義則舉進士第二無忝矣都頡作七談辭豔而意  
遠劉伯正上二疏辭嚴而義方章公弼以廢范純仁而  
稱疾不起身雖隱而名則著矣李伯玉以忤似道而黜  
外不用官雖貶而名則重矣劉泌以母老而乞養事親  
之孝神明可通向伯奮聞偽詔而棄官事君之忠日月  
可貫程瑀條十四事而兩漢索隱有該洽大才汪澈陳  
二十事而文集奏議有經濟大筆洪皓使金不屈可謂

江西卷五

饒州人物

五

之能臣矣長子适諡文惠仲子遵諡文安季子邁諡文  
敏義方之教薰染有成若夫洪芹之立朝慷慨非适之  
曾孫乎何洪氏之多賢也趙善應居喪致瘠可謂之能  
子矣其子汝愚舉進士第一長孫崇憲舉進士甲科少  
孫必愿擢戶部尚書奕葉之光永矣益盛若夫趙良淳  
之臨難守節非汝愚之曾孫乎何趙氏之多人也金君  
卿著易說余安行著春秋傳而著五經講義者饒帥魯  
馬董履巽  
叔李椿年著易傳而著六經集傳者馬廷鸞馬使遼者  
都隨而官宗正少卿降卷者陶節夫而官樞密學士張  
根指切時弊以直著矣其弟樸論朋黨不可攻其子燾  
論金仇不可忘是亦至論也紫元祐博通經術以學鳴  
矣其子中行於易詩則有傳於論語則有說是乃深造

也江漢博極群書彙纂集日曆然不如馬端臨之文獻通考尤盡其博余邑舒潛心程朱而纂集書辭然不如董昇之書彙纂疏尤得其傳程克俊封還制書而學宮得以不徙余時言親征金虜而流民得以不飢許尹上疏乞延儒臣畫帝王為治之要湯漢上書乞先持敬得聖賢論治之旨鍾傳幹熙河而破西夏之寇以有折衝千里之才也金極知分宜而入元祐之黨以有直道三黜之節也張文之兵敗不降若岩然有大節矣而陳傘陳學心之守死善道不亦同其美乎鍾季玉之兵至不降凜凜然有生氣矣而彭汝方程振之殺身成仁不亦均其操乎以元言之吳仲迂著四書語錄春秋紀聞朱公遷著四書通旨四書約說傳立以能文稱而其子巖卿

江甯會卷上

饒州人物

六

為集賢學士周伯琦以善書稱而其父應極為集賢待制至於許則祖始而倡義兵慨復謀畧之壯也終而追亂兵遇害忠義之植也逮至我

朝許瑗守節不屈而鄉舉之名第一吳宏事毋至孝而汗馬之功無双費震為知府而招徠流民真可謂之良吏矣王整廬為學官而造就人才真可謂之明經矣徐旭陳時政六事激揚之任何忝耶章復編農事一冊循良之譽何虛耶天順以後人才之出繹繹不之吾未得而悉數之也

廣信府人物

李彌大咏形勝則曰東南望鎮是邦之地也袁桷論風俗則曰於謹節義足邦之人也蓋皆以其疆域考之焉



賈揚州天文斗星周爲吳越漢爲餘汗唐爲上饒而廣信之名則始於我

朝也迹其控閩越引二浙川源夔遠關防襟帶誠所謂山水之秀甲諸郡也說者謂廣信土風貧薄而近於嗇陋然有柳渾賢公倡之於前張叔夜忠臣陶之於後故頓改前習而文風日盛矣抑何郁郁然哉請具陳之漢晉以前人物不可考矣唐之時方竦爲禮儀使而玄宗嘆其知禮吳武陵刺韶州而柳宗元稱其剛健至於王貞白撰灵溪集學力深矣致仕退居節操清矣逮至于宋余安行居三年之喪廬墓守制而立不朽之名申世靈救七旬之父引頸受刃而脫不測之禍劉輝舉嘉祐進士第一初名幾而改爲輝嫡孫承重之制輝始之也

汪應辰

廣信人物

七

汪應辰舉紹興進士第一初名洋而改應辰足食足兵之策應辰進之也周欽若手書三百字有義方之教也爲子弟承之者不將爲之銘心乎葉虞仲藏書二十櫃有屢空之樂也彼豪富誇之者不將爲之汗顏乎余堯弼爲中丞而奏疏爲之剴切張運在刑部而囹圄爲之空虛許幾善理財而四入戶部徐元杰陳大政而兩魁廷省周世脩知興國縣有平盜之功矣而陳康伯之指授方畧有社稷臣之風則尤不可及焉劉允迪知德安有崇儒之實矣而周執羔之歷治州郡有古循吏之風則尤不可尚焉詹叔善解官不仕而壽皇嘉之有知止足勵上風之言王時敏隱身不仕而朱熹誌之有兼該本用學有源流之語施師黥免逋之奏施天下之大仁

左時建儲貳之議識天下之大計詹叔寧叔迥叔法  
義以兄弟登進士皆叔善之弟也余應球公瑞公彥以  
文學鳴當時皆安行之子也韓大寧續百將傳品藻得  
宜徐人傑著春秋發微發揚殆盡徐宗仁死於崖山黃  
從龍死於郢州而從龍之父子死節尤爲難也張憲死  
於濟南謝枋得死於上都而枋得之夫婦死節尤爲難  
也趙蕃之剛介陳文蔚之講學皆晦翁之徒也徐直方  
在翰死徐直諒在天曹皆元杰之子也葉大用任武職  
高宗書拔身歸國節義可尚八字賜之以膽畧之壯也  
韓祥韓補同進士理宗書翁和堂三字賜之以文學之  
優也鄭驥知同州金人奄至而死於井諡爲威愍宜矣  
張叔夜爲總管二帝北狩而死於河諡爲忠文宜矣逮  
至於元祝堯博學能文而有提綱之編張宏綱早負才  
學而有安惠之謚以我

二南卷上

廣信人物

八

朝言之龔龔敷以明經而爲司業學問該洽白天民以明  
經而爲郡守智慮過人何敏中爲祁門令上書言事楊  
廣仁爲虞城令百廢俱興此皆循良之吏也苻志遜爲  
御史舉劾不避李奎爲御史巡歷有聲此皆蹇諤之臣  
也天順以後正人奇士相繼崢嶸吾未暇以悉舉之也

### 南康府人物

千山擁廬岳百水會宮亭徐俯之詩也挹先儒淳固慤  
實之餘風呂祖謙之記也嘗以其沿革言之荆揚之域  
斗星之界或以地名星者或以山名匡廬控五嶺而歷  
三吳匯岷江而豬彭澤此梁元帝所謂南國之德鎮也

白樂天所謂天下之奇秀也考其倍朴訟稀民貧土瘠而人才迭生與日舒長信乎南方之倍其在康哉請且陳之漢以前人物不可考矣晉有周續之通五經與陶淵明同隱逸也陳有司馬昱壽母疾與司馬延義同孝行也唐之時張懷約明三禮而文辭典麗隱當陽而性質閑雅郭元靖累官長史而三州政績使人懷之而不能誼徐元之累官刺史而十卷文集使人誦之而不能釋宋之時洪文撫六世同居而太宗有義居一軸之賜陳準五旬掛冠而朱熹有石屋書室之扁劉恕脩資治通鑑才如湧泉而二子亦以文學奮此皆可追前作也李成大謀復金壇忠可貫日而二子亦以死節著此皆有光先業也李常上言七事而拜中丞李公懋召對五

江西卷二

南康人物

九

事而擢御史陳澔著禮記集說足以破馬鄭之陋周程集文公語類足以遡伊洛之源黃灝於學禁方嚴之日赴朱文公之喪而謚文簡宜矣李燔於學禁盜烈之頃會朱文公之葬而謚文定宜矣曹彥約從朱子講學而兄彥純弟彥繼子士况士衮士冕皆有芳名也彭彖從朱子講學而兄尋號東園子方謚文定皆有盛譽也馮椅馮去非父子也然去非以剛正忤丁大全而椅有著書是功焉江萬里江萬頃兄弟也然萬里以峭直忤賈似道而萬頃有罵賊之節焉以元言之燕公楠爲勸農司事興利除弊黃異爲書院山長儉德避難逮至我朝于光從征汴梁而其後戰敗被執其死不辭其忠篤矣魏源賑給流民而其後督察邊防諸將悉服其功偉

矣至於余鼎脩實錄號南坡此又皆我

朝之人物矣天順以後人才代不乏人吾未得而枚舉之也

### 九江府人物

宋支之賦曰縈以三湖帶以九江則知是郡亦西江之重鎮也余靖之記曰高人閉士蟬聯不絕則知是郡亦人才之淵藪也蓋其地西據彭蠡北跨海門前拱文筆之峯右繞小孤之水形如環椅勢若連屏乃荆揚之域斗牛之界晉之潯陽隋之九江也人生其間尚朴實崇禮讓儒風綿綿相續不絕固其宜哉請具陳之漢以前人物不可考矣晉之時翟湯翟莊翟矯翟法賜皆有隱德而有潯陽四隱之號然湯之篤行廉潔尤爲卓也周

江西卷十二

九江人物

十

訪周撫周楚周虓皆有軍功而有中興名將之號然訪之果斷謙退尤爲難也至於陶潛號五柳先生而不肯折腰於督郵賦歸去來辭而不肯屈身於異姓此一世之高士百代之偉人也若夫以宋言之六世同居而太宗貸其粟則有若陳競八世同居而太宗旌其門則有若許祚胡旦直秘閣而真宗賜以金紫李受歸廬山而王珪等爲之賦詩王韶王彥繼王彥博王阮皆爲國任事者也王氏可謂有人矣吳元吳宏吳愈吳革吳觀皆爲君効勞者也吳氏可謂有子矣樂道不仕鄭良也地理精通學之洽矣遇賊被害王寓也丐免使金料之明矣元之時有戴羽隱居積學而著通博史評此又元之

人物也本

朝之時黃信以太學生而累官都御史持正不撓劉崧以太學生而累官布政勤慎不懈天順以後人才亦不乏人吾未暇論也

### 建昌府人物

顏真卿記麻姑仙壇曰地勢殊異江山炳靈朱晦菴記進士題名曰東南上游文章大名以此觀之建昌之地固亦人才之會也嘗以沿革考之漢曰南城唐曰建武而建昌之名創於宋也其地左臨盱水右瞰麻源據五嶺之咽喉控三吳之襟帶人生其間雖曰性悍而好訟然林竒谷秀水遶川環故學富文清而秀麗傑特相繼踵出此鄭致所謂山水冠江表張允脩所謂建昌佳山水其以人才爲驗哉請其陳之三代至漢人物不可考

江西集十二

建昌人物

十一

矣唐之時危全諷危仔昌初值乾符之寇聚衆以保鄉里後居刺史之位招叛以鎮邊圉以宋言之曾致堯犯顏敢言而子易占著時議亦有學之士也若夫致堯之孫輩與歐陽脩齊名輩之弟輩爲楊龜山稱譽至於曾紆之詞翰曾忘曾悟之死節皆一門之傑異也朱軾輕財急義而子京喜彈劾亦有節之士也若夫京之弟彥在刑部而獄訟得以辨明彥之弟褒任屯田而邊儲得以廣斥至於朱襄知韶州之日有一時之名皆一家之後傑也危拱辰年十四而能題初月之詩陳彭年年十三而能著皇綱之論江禹錫猷東封詩十五篇而江白之哀慕可謂之孝矣此乃禹錫之子也符行中著猥稿四十卷而符授之恬靜可謂之清矣此乃行中之父也李

浩忠憤激烈張大經風采振揚皆爲御史有聲也趙興植單車平賊危祐置笏辭位皆爲郡守有名也秦少游爲令而杖郡吏剛介之操不懼於上官李洵爲令而應金兵忠孝之節克著於絕域鄧均爲吏部侍郎踐履純粹而有鄧佛之號聶子述爲吏部侍郎勲名益著而有文定之謚陳堯舉拔文天祥以賢人知賢人也包恢從陸九淵以後覺求先覺也呂南公安貧守道而號灌園先生何坦家貧力學而爲嶺南良吏蕭雷龍通判衢州捐軀以取義也蔡延世爲兵馬押監殺身以成仁也黃曉有決訟之才蔡冠卿有救荒之政趙崇嶓有中人專橫之効深切時弊鄧潤甫有中人將兵之諫深達國體鄧希顏爲御史以危言聞陳宗禮參政事以清節著李

江西卷三

是員人物

十二

觀王無咎皆如學鳴於當時焉劉鏡瑞曾漸皆以風節簡於帝心焉以元言之程鉅夫爲承旨而文章忠義後世於雪樓集知之也江學庭爲祭酒而文章政事當時若山徽仰之也必建發本四方歷十餘年而知得三十而始得之孝念何懇惻耶至於吳德新以一布衣往寧夏有罵賊之勇有殺身之仁尤爲可稱也以我

朝言之吳毅性敏學贍而學海集不事雕琢朱大中博學能文而爲侍從多所裨益兵部侍郎程新練達政務吏部侍郎鄭誠脩整儀文饒禮爲御史秉道嫉邪而有左布政使之陞鄧棨爲御史舉清軍伍而有副都御史之擢李永年精於春秋程南雲精於象隸天順以後人才層出吾未暇以悉舉之也

撫州府人物

吳谷銅陵之峯列如屏連樊汝江之水環如帶此撫州之風土甲於諸郡文昌堰合狀元生金石臺分丞相出此撫州之人物光於四方蓋嘗以先儒之言考之独孤及新亭記曰閩粵相介大牙其疆周必大進士序曰文物衆多冠冕一路謝逸謂之風流儒雅黃幹謂之民秀能文以今考之作於前者既有德行之迹垂於史矣繼於後者豈無卓異之士紹其踪乎請具陳之漢唐人物不可考矣宋之時樂史撰太平寰宇記樂黃目撰學海搜奇書父子皆有才之士矣若夫樂黃裳樂黃庭皆進士及第非有才如是乎陸九韶著梭山集陸九淵著詩文語錄兄弟皆有學之士矣若夫陸九齡講學鵝湖有

晉書卷三

撫州人物

十三

詩文傳世非有學如是乎晏殊知范仲淹之賢晏敦復知秦檜之姦祖與孫皆可尚矣謝琳死於一慟陳元桂死於一戰兄與弟皆無愧矣王安石博學強記而王安石禮論大臣之射利王安國論迺兄之聚斂則皆剛正人也何異正色立朝而鄒餘上疏陳十事劉迂爲文成一家則皆忠直人也蔡承禧蔡元道以父子同擢第而承禧之劾呂惠卿尤耿耿於儉邪得志之秋周珩周衮以祖孫同言事而衮之忤王安石尤磊磊於茲軌橫行之日李郭著罪言十三篇謂之書厨有自來矣蔡萃蔡著批鱗十二策謂之賢良不負舉矣汪革著青溪類集論語直解而咬菜根之語尤爲根至理也吳曾著得閑文集龍齋汗漫諸書而去貪吏之言尤爲切大體也陸鈞著

翼子音解周必大稱其嗜古著書有益後學黃夫私  
也田議黃幹稱其問學之士江西數人曾幼度著綠  
娛詩酒而或稱之曰不夷不惠斯道之魄不歐不蘇斯  
道之脉此何穀贄之也曹錫性剛直文典雅而或稱之  
曰文采可爲辭誥剛直宜在言路敏決可作監司此直  
德秀贄之也著春秋廣微者謝逸也其弟邁亦能詩焉  
著諸經講義者危積也而其弟和又能文焉饒子儀九  
歲能詩羅點六歲能文聶昌崔縱歐陽澈是節於南渡  
之初楊揆鯨應子吳名揚皆效勞於參闈之日晏殊器  
之者李陽孫也朱熹薦之者嚴思義也侯叔猷治水利  
劉蒙賑飢民皆有爲政之才鄒極卻羨餘饒延年平米  
價皆有愛人之德鄧考甫著卜世大寶而極論新法吳

沉著論語發微而歸隱環溪吳澥著疆域志鄒斌著南  
唐叢張英甫著要言渾象以指後學之迷章節夫著脩  
和管見以發先哲之蘊曾極著春陵小雅何豪放也傳  
子雲著孟子指義何深奧也逮至於元道統之傳莫盛  
於吳澄其所著學皋學統九經義何富麗也文學之積  
莫盛於何中其所著易象類書傳補遺綱目則海何宏  
深也虞集有道園集卓然富學之士吳當有周禮纂言  
粹然造道之人危復之博覽群書棄官不就而有真白  
先生之號孫轍學行淳篤屢徵不就而有仁義藹然之  
稱葛原詰博通經律而歷官之日以道殉身黃鳴博通  
經術而城破之日以身死節劉傑爲學士守砥柱之操  
虞磐爲州判治巫邪之亂凡此皆元之人物也以我



朝言之危素登吳澄之門而爲弘文學士上嘉其博學  
軌爲僖斯之後而考江西鄉試士服其公周忠猷太平  
十六策而遣使沙漠其後不知所終吳溥居翰林二十  
年而分俸給親其卒無以爲歛能高爲僉事得大體而  
有庖食之榮王英號泉坡善草書而有文安之謚若夫  
吳伯宗者十歲通舉業而有王光劍氣之誇廷對擢狀  
元而有南宮成均之擢天順以後人才濟濟不絕吾未  
暇悉數之也

### 臨江府人物

南粵虔吉此郡爲四會之衝閣皂玉筍是山爲一方之  
鎮南臨俞水滾滾莫盡其來北有蒙山層層莫追其遠  
此臨江之風土如此也考其沿革屬吳屬越屬淮南屬

豫章更革不一而臨江之名創於宋也人生其間君子  
尚禮而崇德小人勤力而知分然則人才不可有記者  
乎請具陳之漢有孔恂爲州別駕不去屏星何剛毅也  
唐有陳岳爲觀察判官作唐統紀何該洽也至於楊彥  
伯擢童子科而或方之劉晏宰安福邑而可擬之王喬  
此有唐之人物也五代之時陳喬作南唐之臣而有歸  
宋之諫值後主之敗而有守死之義以宋言之劉式明  
於春秋而子曰立本曰立言曰立德曰立禮相繼登第  
蕭諤明於詩易而子曰賀曰貫曰賈相繼登第晝則耕  
鋤夜則讀書孔延之也其子文仲論新法之害武仲論  
科舉之弊又有平仲著續世說而長史學焉持論平正  
不隨不敷魯三復也其第三英按其南北邊籌三異著官

制通考又有三聘指陳時事而謚忠節馬蕭固蕭注

有將帥之策若夫固之子燧善屬文而秦檜為之不入

燧之子達善知人而真德秀為之甚美至於子削號大

山弟泰號小山新喻可謂有人矣劉敞劉邠劉奉世皆

有淵博之才若夫以徐夢莘為父而著比盟會編以徐

天麟為子而著兩漢會要至於朱景文著批鱗禁張綏

著愚谷集清江可謂有人矣孫冕以郡守而引年致政

故其詩曰莫待朝廷差致仕早謀泉石養閑身李大有

以知州而募兵勤王故其歌曰天下姦臣皆守室慶州

太守獨勤王彭龜年陳琦皆從張栻講學者也然龜年

以孝道勸其君琦以荒政濟其民皆經世之才也張洽

嚴世父皆從朱熹講學者也然洽則有通鑑續編世父

則有徃復書帖皆布賢之學也李邈之忤童貫向子諲

之繩張邦昌凜凜然伏節死義之士也楊申之劾王安

石章穎之奏葛邲屹屹然忠言謨論之臣也謝諤敵十

箴而著聖學淵源錄何正臣論六察而兼中童子進士科

楊榘之擒海寇常楫之治水利李詒在樞府專抑撓倖

胡向在大理能決疑獄以元言之范梈精於學而吳澄

稱其為特立之士傅若金勵于學而虞集稱其出魏晉

之上杜本著六書通編楊士弘著鑑池春草錄周自強

有招論徑酋之功蕭克翁有隱居不仕之節凡此皆元

之人物也以我

朝言之梁寅著歷代叙畧張九韶著理學類編曾魯以

王事陸尚書好古博學金幼孜以檢討入內閣補過拾

遺

遺習嘉言篤實而官至太常卿張固清慎而官至大  
卿天順以後人才濟濟不絕未暇悉舉之也

吉安府人物

祝穆之作勝覽曰五峯類五老則知是郡山川之秀足  
以冠域中周必大之記歸亭曰文風盛江右則知是郡  
人物之竒足以齒天下蓋其地環二千里南接贛江北  
竟淦水咽喉荆廣唇齒淮浙扼蒙岡之秀據牛嶺之雄  
江山映帶在肩宇間真天下之竒觀也故鑑湖決而出  
狀元龍洲接而出相儒不我誣也昔之論者杜氏有儒  
術爲盛之褒黃庭堅有士夫秀異之賦王陶有序塾相  
望絃誦相聞之記豈非斯文郁郁之地哉請具陳之漢  
有歐宝其孝行可格異馱五代有周彬其謀畧可綏蠻

江右卷十二

吉安府人物

十七

貂曾崇範讀書精勤而滅墳典於國蕭儼進言切直而  
投碁奩於地郭昭慶博通經史而有光於父鵬劉茂中  
忠勇是奮而見竒於宋祖凡比皆南唐人也以宋言之  
王克貞直舍入院誥命典正蕭定基撫宜州蠻敵入震  
恐歐陽觀以仁孝稱矣而觀之弟擘以明智決疑獄觀  
之子脩以文學冠天下若夫歐陽發之好學歐陽棐之  
博覽皆脩之子也一門之卓異何濟濟乎文天祥以忠  
義著矣而鄧光薦張雲劉士昭皆從天祥而死於忠鄒  
淵王士敏劉子俊皆衛天祥而死於義至於彭震龍之  
三友同死劉沐之三子同死皆天祥之親也一鄉之氣  
節何磊磊乎周必大於姦臣弄柄之秋痛抑僥倖可謂  
之賢相矣戴之邵於金 犯邊之日脩葺諸陵可謂之

雄將矣劉元論用兵之失而子瑾累官五州允著厥聲  
曾光庭勸高宗之進而孫三復上疏論裕悉合厥理張  
汝明論蔡京張汝賢論王安禮兄弟之正直不券而同  
劉顯絕曾布劉琮遠張邦昌父子之節義不符而合曾  
肅之孝驗於慈烏之來巢而安止之掛冠安中之抗論  
安強之出葬皆能繼乎先志曾朝陽之學形於石首之  
講論而弟匪飲龍南有設學教人之功孫元忠之教廣  
州有春秋曆法之著皆有光於先烈楊萬里柱門著書  
楊長孺棄官著書父子之力學不倦如此也郭孝友論  
秦檜之奸郭知章疏董必之奸忠臣之守正不群如此  
也彭合請蠲重賦而子商老漢老皆有循吏之聲焉孫  
逢吉力護正學而弟逢年逢辰皆有文學之名焉蕭服

辨蘇州之獄而羈管處州不之顧胡夢昱伸濟邸之寃  
而羈管象州不之恤劉弁進大禮賦卓詭不凡李如圭  
誦無逸篇穎悟莫匹劉安世不肯進羨餘而謚清純先  
生胡銓不肯從和議而號澹菴老人蕭楚著經辯四十  
九篇破新經之說張庠作斥蠹正言二篇排佛老之說  
劉子薦書其笏曰我頭可斷膝不可屈凜凜孤忠可貫  
日月楊邦乂書其裾曰寧作趙氏鬼不爲他邦臣赫赫  
節義可寒星斗王贄知諫院真宗稱之曰南方有燕趙  
氣劉友益著書法揭傒斯稱之曰先生不作山高水深  
二蔡之惡人所共憤而董敦逸極言之王守忠之女數人  
所同嫉而彭思永力詆之事親而能孝則有若毛洵事  
兄而能弟則有若項充歐陽守道深歷代之說劉辰翁

成一家之文歐陽珣以書排和議挺然正直之節不  
王廷珪以詩送胡銓藹然忠厚之氣可掬以元言之劉  
誥著桂隱集其爲文融液今古而不露風發之狀劉岳  
申稱申齋先生其爲文簡約峻潔而深愜碩儒之贊馮  
翼翁李廉皆長於春秋一著集解一著會通龍仁夫劉  
霖皆長於易一著集傳一著易說劉瑾長於詩而著通  
釋王充長於書而著幹式彭絲集五經之言而作辨  
疑黃節瑞集朱子之言而爲成書楊景行纒綬撫州而  
民爲立石頌之羅明遠後郡城而郡爲立祠祭之逮  
至我

朝人才之生甲於天下曾萬中曾粹中兄弟也而皆死  
於節義王沂王伯貴父子也而皆長於政事陳謨自號

江頭卷十

吉安人物

十九

心吾而海桑集乃其所著劉松自號槎翁而職方集乃  
其所撰蕭尚仁論時政一十條李時勉陳時政十五條  
皆通達國體者也然而時勉爲祭酒造就人才教規嚴  
整尤不忝乎文毅吳孟勤以楷書入翰林楊士奇以博  
學入翰林皆素負文學者也然而士奇爲學士參預機  
密德望端方尤不忝乎文貞解縉爲學士而詩文豪放  
草書精絕直奇才也胡廣爲文淵閣大學士而制冊居  
多賦詩不輟直狀元也永豐曾榮廬陵蕭時中皆舉進  
士第一也然榮之爲人溫雅英邁時中之爲人急流勇  
退皆道學中優游者也泰和曾鶴齡吉水劉儼亦舉進  
士第一者也然鶴齡之爲文豐偉清潔劉儼之爲文春  
容典雅皆名教中步趨者也周述周孟簡以兄弟並及

第梁伯興鄒緝以明經並出身宋子環爲長史而有詞  
林稿熊槩爲都憲而有芝山稿公余稿著詩學梯航者  
周叙也著傳易撮要者劉髦也劉子輔朱與言皆爲監  
察御史有蹇諤之譽郭循劉廣衡皆爲刑部主事有仁  
恕之名周忱巡撫江南會計有方國用充足真大有爲  
之才也羅汝敬巡撫陝西處置得宜一方仰賴真足任  
重之器也余學夔爲侍講上疏致政隱身不出富貴豈  
得而淫乎鐘同爲御史上書切諫殺身不悔威武豈得  
而屈乎蕭省身李昌祺皆爲布政使而一端潔一精敏  
皆可尚也陳正倫彭琬皆爲按察使而一端慎一剛介  
鳴於湖廣天順以後端人止士濟濟登庸增光日月蓋  
有不可勝記者矣

運貨卷二

瑞州人物

二十

### 瑞州府人物

大江之西其地僻絕曾叢論是郡之形勝也筠州之倍  
不囂於訟黃庭堅論是郡之人物也蓋嘗以其疆域考  
之唐曰高安宋曰瑞陽負鳳山而環之若城面錦水而  
繞之如帶居溪山之內若洞府之間此其地亦奇矣人  
生其間雖曰樂聞而輕死學巫而淫祀然特異之士前  
後迭出顧豈可以片言盡哉請具陳之漢以前人物不  
可考矣晉有黃輔事親以孝行聞事君以清直著唐之  
時應智頊當隋之亂自歸唐而刺靖州有功歐陽持當  
唐之季因棄官而歸西山自養鄧文瑞宋練皆四世同  
居幸南容鄧璠皆一朝循吏任壽工於詩而來李端之

免役蔡劍重於義而絕鍾傳之求婚五代之時沈彬不仕唐而手植一樹於葬所以先見過人也易延慶不仕宋而手植二樹於墓所以孝行格天也逮至於宋蔡用之歛萬言書真宗驚喜以示諸學士至其著希賢錄貴道集者則其孫汝揆也劉渙不事上官歐陽脩嘆服而贈廬山詩至其作十國紀年通鑑外紀者則其子恕也雷孝友以辭賦魁南省矣而姚勉以辭賦擢廷對第一且有雪坡集傳於世則皆有文學之士矣黃夢炎號錦江四俊矣而劉元高號高安三俊且有意抄貴華錄傳於時則皆有才華之人矣龔端事欽宗而死比狩之難幸元龍忤史弥遠而雪濟邸之寃陳仲微有文溪集而子元亮論洪諱之奸有光乃父也劉義仲有太初曆而弟

汪希真士

瑞州人物

五十一

和仲慕石介之文有光乃兄也以胡仲雲爲之父而著六經蠹測周易見一四書管窺歷代遺論著述何富耶以胡希是爲之子而著洪範考訂大學稽疑太極圖說史傳集論文章何奧耶以我

朝言之胡璉著易學會通得先賢之旨棄官觴詠合高尚之義王綱爲監察御史執法不撓陳鑑爲布政叅議廉介不取天順以後人才累累不乏吾耒暇枚舉之也

### 袁州府人物

秀水東奔萍川西注袁皓咏袁州之詩也翠疊群峯回環千里李問狀袁州之賦也蓋袁山大小若並雙螺秀水東西如橫一帶輿地記謂之江右奧區寰宇記謂之山水秀麗殆不虛也人生其間好儉嗇知廉耻故張九

成有儒風之盛甲於江西之語其有所見也夫請具陳  
之漢有陳重來膠漆之誼其重義可想也還同署之錢  
其輕利可知也彭翼施游皆封宜春侯一仕于漢一仕  
于晉咸有可稱彭雲彭依本皆宜春人一主於隱一主  
於出咸有可取盧肇進士第一而有文標之錄廖洪事  
親至孝而有青蛇之異袁皓號碧池處士以能文見重  
於時觀道林詩可見矣鄴谷號鄭鷓鴣以能詩見推於  
世觀雲臺編可驗矣五代之時李徵古以儒術飭治而  
超二十九刺史之上宋齊丘以文學拜相而賜九華山  
先生之號逮至于宋朱彥博知三州擅嚴明之聲而在  
其下者不敢欺孫億知吉州發羨餘之弊而爲之上者  
不能奪湯夢觀備壘寇敵不入境趙善堅行荒政民不

江西卷五

成州人物

五十一

甚飢夏執中以貴戚而能餼八字者申伯之忠矣孟浩  
以知州而不取一毫追羔羊之節矣至於彭俞雪冤獄  
精易學連山子之號豈虛然哉元有彭繼凱以布衣能  
卻普祥之寇何才畧之不可苟也以大功反遇室童之  
害何造物之不幸也逮至本

朝劉仲質爲宜春學訓導博通經書劉迪簡爲尚賓館  
副使屢陳時務黃伯奇爲知府蒞政嚴謹易節爲布政  
夷人化服至於郭瑾始擢刑科後佐刑部謹端之行聲  
於朝著光於國史矣天順以後人才亦有卓然可觀者  
吾未得而悉舉之也

贛州府人物

接甌閩百粵之區介谿谷萬山之阻此洪邁之表其狀



是郡之形勝盡矣風俗篤厚而純一人物秀特而節操  
此劉尚友之記其論是郡之人才似矣蓋其地禹貢揚  
州之域天文斗星之區而立於章貢三水之間故曰  
贛州也其封域廣大山谷荒僻人生其間雖以漁獵山  
伐爲業以嗜勇好佛爲常然竒才碩彥彼此唱和以史  
考之豈不歷歷可記者乎請具陳之唐貞之時鍾紹京工  
書法而號小鍾追匹乎伯皆之雄勁平內難而封國公  
衍佛乎尉遲之謀勇賴業通九經名馳於弱冠之年謝  
肇帥義兵功見於經制之日五代之時裏愉初仕於唐  
不臣於宋以黃冠爲服以琴書自娛此其節義有可尚  
也逮至于宋王奇題鴻鴈之詩曰晚來漁棹驚飛去書  
破透天字一行一何竒也王鴻作米困之銘曰暴而不

節暴上

贛州人物

五三

忍爲虎竊而不忍爲鼠一何豪也陳炳躬耕求志包拯  
誌之曰文高表世學優入聖進退不競深潛篤行非虛  
誇也陽孝本學博行高蘇軾稱之曰道不虛德不孤無  
人所有有人所無非空譽也盧世豪喪母廬墓而有一  
虎守視之異鍾佃喪父畫衣而有群鳥鳴墓之祥李潛  
志識警戾不從貫籍之請而三子連中進士道學之傳  
啓之也曾興宗篤志爲己不遊僞學之禁而兩孫皆名  
博學義方之教激之也劉鵬論蔡京何直也而有子死  
靖康之難能繼其志矣孫立節辨寃獄何明也而有子  
繩辭朝廷之辟克光乃父矣魯準知公安而有父風滅  
火之異若夫魯開爲侍郎辨和議之非其心褫職何剛  
如之至於魯幾爲人孝友爲文純正凡此皆魯準之子

弟也陳繼周知衡陽而有父子死節之義若夫尹玉爲  
巡檢拒元人之兵血戰殞軀何勇如之至于陳子敬募  
乃民兵保乃山砦凡此皆文天祥之部曲也唐稷號硯  
崗居士而胡銓誌之其善者好之也黎仲吉稱外方高  
人而丁謂嫉之其不善者惡之也溫革歸創講堂而鄉  
倍陶其化陳敏備禦閩寇而金人畏其名劉炳餞唐介  
之行而至於黜落彼亦不悔也李朴仲孟后之寃而至  
於勒停彼亦不恤也尹天民不謁王黼而有頰閔恐突  
之言李謙不受賞資而有養素處士之號李存以高年  
掛冠崆峒二老不負其實也王質以編脩奉祠允文力  
薦不負所舉也元之時廖久俊之刻像事母卒來吳草  
廬之贊蕭士贇之潛心篤學最愛李太白之詩以我

江漢習卷三

豫州人物

三四

朝言之陳勉爲御史清慎自勵李旭爲御史激揚有聲  
天順以後人才迭出吾未暇悉數之也

### 南安府人物

據上流南荒蘇軾論南安之疆域如此也土果義民  
直剛尚友論南安之風俗如此也蓋其地南接交廣  
西距湖湘當五嶺之最東矣然亦楊州之域斗星之區  
昔人謂文物之盛與閩蜀等雖未必盡然而要之亦文  
猷之邦也豈可以其民貧多訟少之哉請具陳之漢晉  
人物不可考矣唐足時有謝肇者始平江建之寇後勸  
閩粵之賊五代之時盧光稠有勤王之功而廟食於百  
世黃至有保障之功而顯融於一時以宋言之以武藝  
至御史大夫則有若謝茂希以智勇至知昌化軍則有

若鄧富何大正博通諸經有上庠三傑大正其一之名  
利申游學江都有得太白放得昌黎嚴之誇田闢嗜學  
不倦浩然歸隱有子九人多登進士義方之教如此其  
彬彬也田如鰲龜出知道州民樂豈第有第三人俱登進  
士人才之出如此其昂昂也盧汝舟以陸藻薦歷御史  
府而不喜深刻盧宗邁以汪澈檄歷樞密使而熟知險阨  
一家有人如此亦可竒矣哉鍾揖以義莊教其族長於  
齊家鍾三傑以磚石輸于官切於愛國一門有人如此  
其亦難矣哉至於李諤家貧讀書勤於爲學也居官止  
盜善於化民也我

朝之時

聖明御極文物聿新必有濟濟人才足以供國家之用

續卷五

南安人物

三五

者愚何暇以悉數之也

新編博物策會卷之十二終



